

২৬- সূরা আশ-শু'আরা',  
২২৭ আয়াত, মক্কী



।। রহমান, রহীম আল্লাহর নামে ।।

১. ত্বা-সীন-মীম ।
২. এগুলো সুস্পষ্ট কিতাবের আয়াত ।
৩. তারা মুমিন হচ্ছে না বলে আপনি হয়ত মনোকষ্টে আত্মঘাতী হয়ে পড়বেন ।
৪. আমরা ইচ্ছে করলে আসমান থেকে তাদের কাছে এক নিদর্শন নাযিল করতাম, ফলে সেটার প্রতি তাদের ঘাড় অবনত হয়ে পড়ত ।
৫. আর যখনই তাদের কাছে দয়াময়ের কাছ থেকে কোন নতুন উপদেশ আসে, তখনই তারা তা থেকে মুখ ফিরিয়ে নেয় ।
৬. অতএব তারা তো মিথ্যারোপ করেছে । কাজেই তারা যা নিয়ে ঠাট্টা-বিদ্রূপ করত তার প্রকৃত বার্তা তাদের কাছে শীঘ্রই এসে পড়বে ।
৭. তারা কি যমীনের দিকে লক্ষ্য করে না? আমরা তাতে প্রত্যেক প্রকারের অনেক উৎকৃষ্ট উদ্ভিদ উদ্গত করেছি<sup>(১)</sup>!
৮. নিশ্চয় এতে আছে নিদর্শন, আর

بِسْمِ اللَّهِ الرَّحْمَنِ الرَّحِيمِ  
طسّم ①

تِلْكَ آيَاتُ الْكِتَابِ الْمُبِينِ ②  
لَعَلَّكَ بَاخِعٌ نَّفْسَكَ أَلَّا يَكُونُوا مُؤْمِنِينَ ③

إِنْ نَشَاءُ نُنزِلُ عَلَيْهِمْ مِنَ السَّمَاءِ آيَةً  
فَلَظَّتْ أَعْنَاقُهُمْ لَهَا خَافِضِينَ ④

وَمَا يَأْتِيهِمْ مِنْ ذِكْرٍ مِنَ الرَّحْمَنِ مُحَدَّثٍ إِلَّا  
كَانُوا عَنْتَهُ مَعْرِضِينَ ⑤

فَقَدْ كَذَّبُوا فَاسَيَأْتِيهِمْ أَنْبَاءُ مَا كَانُوا يَهِ  
يَسْتَهْزِئُونَ ⑥

أَوَلَمْ يَرَوْا إِلَى الْأَرْضِ كَمَا أَنْبَتْنَا فِيهَا مِنْ كُلِّ  
شَيْءٍ كَرِيمٍ ⑦

إِنَّ فِي ذَلِكَ لَآيَةً وَمَا كَانَ أَكْثَرُهُمْ مُؤْمِنِينَ ⑧

(১) زَوْج এর শাব্দিক অর্থ হচ্ছে যুগল । এ কারণেই পুরুষ ও স্ত্রী, নর ও নারীকে زَوْج বলা হয় । অনেক বৃক্ষের মধ্যেও নর ও নারী থাকে, সেগুলোকে এদিক দিয়ে زَوْج বলা যায় । কোন সময় এ শব্দটি বিশেষ প্রকার ও শ্রেণীর অর্থেও ব্যবহৃত হয় । এ হিসাবে বৃক্ষের প্রত্যেক প্রকারকে زَوْج বলা যায় । كَرِيم শব্দের অর্থ উৎকৃষ্ট ও পছন্দনীয় বস্তু । [দেখুন-আদওয়াউল বায়ান, কুরতুবী, ফাতহুল কাদীর]

তাদের অধিকাংশই মুমিন নয়।

৯. আর নিশ্চয় আপনার রব, তিনি তো পরাক্রমশালী, পরম দয়ালু।

### দ্বিতীয় রুকু'

১০. আর স্মরণ করুন, যখন আপনার রব মূসাকে ডেকে বললেন, 'আপনি যালিম সম্প্রদায়ের কাছে যান,

১১. 'ফির'আউনের সম্প্রদায়ের কাছে; তারা কি তাকওয়া অবলম্বন করবে না?'

১২. মূসা বলেছিলেন, 'হে আমার রব! আমি আশংকা করি যে, তারা আমার উপর মিথ্যারোপ করবে,

১৩. 'এবং আমার বক্ষ সংকুচিত হয়ে পড়ছে, আর আমার জিহ্বা তো সাবলীল নেই। কাজেই হারুনের প্রতিও ওহী পাঠান।

১৪. 'আর আমার বিরুদ্ধে তো তাদের এক অভিযোগ আছে, সুতরাং আমি আশংকা করছি যে, তারা আমাকে হত্যা করবে।'

১৫. আল্লাহ্ বললেন, 'না, কখনই নয়, অতএব আপনারা উভয়ে আমাদের নিদর্শনসহ যান, আমরা তো আপনাদের সাথেই আছি, শ্রবণকারী।

১৬. 'অতএব আপনারা উভয়ে ফির'আউনের কাছে যান এবং বলুন, 'আমরা তো সৃষ্টিকুলের রব-এর রাসূল,

وَأَنَّ رَبَّكَ لَهوَ الْعَزِيزُ الرَّحِيمُ ①

وَأَذِّنْ لِقَوْمِ الْمُطَلِبِينَ ②

قَوْمِ فِرْعَوْنَ الَّذِينَ كَفَرُوا ③

قَالَ رَبِّ إِنِّي أَخَافُ أَنْ يُبَكِّدُونِي ④

وَيُضِلُّنِي صَدْرِي وَأَلْيَسُ لِي الْوَيْلُ أَنْ أُرْسِلَ إِلَيْهِمْ ⑤

وَأَهُمُّ عَلَى ذُنُوبٍ فَأَخَافُ أَنْ يَقْتُلُونِي ⑥

قَالَ كَلَّا هُوَ قَدْ هَبَبْنَا إِلَيْكَ الْمَاءَ مَسْمُوعُونَ ⑦

فَأْتِيَا فِرْعَوْنَ فَقُولَا إِنَّا رَسُولُ رَبِّ الْعَالَمِينَ ⑧

১৭. যাতে তুমি আমাদের সাথে যেতে দাও বনী ইসরাঈলকে<sup>(১)</sup>।'

أَنْ أُرْسِلَ مَعَنَا بَنِي إِسْرَائِيلَ

১৮. ফির'আউন বলল, 'আমরা কি তোমাকে শৈশবে আমাদের মধ্যে লালন-পালন করিনি? আর তুমি তো তোমার জীবনের বহু বছর আমাদের মধ্যে কাটিয়েছ,

قَالَ لَوْ كُنَّا نُرَبِّكَ بَيْنَنَا وَمِنْ بَيْنَنَا مِنْ عَمْرِكَ  
سِنِينَ

১৯. 'এবং তুমি তোমার কাজ যা করার তা করেছ; তুমি তো অকৃতজ্ঞ।'

وَفَعَلْتَ فَعَلْتَك الْبِئْسَ الَّذِي فَعَلْتَ وَأَنْتَ مِنَ الْكَافِرِينَ

২০. মূসা বললেন, 'আমি তো এটা করেছিলাম তখন, যখন আমি ছিলাম বিভ্রান্ত'<sup>(২)</sup>।

قَالَ فَعَلْتُهَا إِذْ أَنَا مِنَ الضَّالِّينَ

২১. 'তারপর আমি যখন তোমাদের ভয়ে ভীত হলাম তখন আমি তোমাদের কাছ থেকে পালিয়ে গিয়েছিলাম। এরপর আমার রব আমাকে প্রজ্ঞা (নবুওয়ত) দিয়েছেন এবং আমাকে রাসূলদের অন্তর্ভুক্ত করেছেন।

فَقَرَرْتُ مِنْكُمْ لَمَّا خِفْتُكَ فَوَهَبَ لِي رَبِّي حُكْمًا  
وَجَعَلَنِي مِنَ الْمُرْسَلِينَ

২২. 'আর আমার প্রতি তোমার যে অনুগ্রহের কথা উল্লেখ করে তুমি দয়া দেখাচ্ছ তা তো এই যে, তুমি বনী ইসরাঈলকে দাসে পরিণত করেছ'<sup>(৩)</sup>।'

وَتِلْكَ نِعْمَةٌ تَمُنُّهَا عَلَيَّ أَنْ عَبَّدتَّ بَنِي إِسْرَائِيلَ

(১) বনী ইসরাঈল ছিল শাম দেশের বাসিন্দা। তাদেরকে স্বদেশে যেতে ফির'আউন বাধা দিত। এভাবে চার শত বছর ধরে তারা ফির'আউনের বন্দীশালায় গোলামীর জীবন যাপন করছিল। [[দেখুন- বাগতী, কুরতুবী]

(২) সারকথা এই যে, এ হত্যাকাণ্ড অনিচ্ছাকৃতভাবে হয়েছিল। কাজেই এখানে ضلال শব্দের অর্থ অজ্ঞাত তথা অনিচ্ছাকৃতভাবে কিবতীর হত্যাকাণ্ড সংঘটিত হওয়া। [ফাতহুল কাদীর, কুরতুবী]

(৩) অর্থাৎ তোমরা যদি বনী ইসরাঈলের প্রতি জুলুম-নিপীড়ন না চালাতে তাহলে আমি প্রতিপালিত হবার জন্য তোমাদের গৃহে কেন আসতাম? তোমাদের জুলুমের কারণেই

২৩. ফির'আউন বলল, 'সৃষ্টিকুলের রব আবার কী?'
২৪. মূসা বললেন, 'তিনি আসমানসমূহ ও যমীন এবং তাদের মধ্যবর্তী সব কিছুর রব, যদি তোমরা নিশ্চিত বিশ্বাসী হও।'
২৫. ফির'আউন তার আশেপাশের লোকদের লক্ষ্য করে বলল, 'তোমরা কি ভাল করে শুনছ না?'
২৬. মূসা বললেন, 'তিনি তোমাদের রব এবং তোমাদের পূর্বপুরুষদেরও রব।'
২৭. ফির'আউন বলল, 'তোমাদের প্রতি প্রেরিত তোমাদের রাসূল তো অবশ্যই পাগল।'
২৮. মূসা বললেন, 'তিনি পূর্ব ও পশ্চিমের এবং তাদের মধ্যবর্তী সব কিছুর রব; যদি তোমরা বুঝে থাক!'
২৯. ফির'আউন বলল, 'তুমি যদি আমার পরিবর্তে অন্যকে ইলাহরূপে গ্রহণ কর আমি তোমাকে অবশ্যই কারারুদ্ধ করব'।
৩০. মূসা বললেন, 'আমি যদি তোমার কাছে কোন স্পষ্ট বিষয় নিয়ে আসি, তবুও(১)?'

قَالَ فِرْعَوْنُ وَمَا رَبُّ الْعَالَمِينَ ﴿٢٣﴾

قَالَ رَبُّ السَّمَوَاتِ وَالْأَرْضِ وَمَا بَيْنَهُمَا إِنَّكُمْ لَمُؤْتِنِينَ ﴿٢٤﴾

قَالَ لَيْسَ حَوْلَكَ إِلَّا الْمُسْمَعُونَ ﴿٢٥﴾

قَالَ رَبُّكُمْ وَرَبُّ آبَائِكُمُ الْأُولِينَ ﴿٢٦﴾

قَالَ إِنَّ رَسُولَكُمْ الَّذِي أُرْسِلَ إِلَيْكُمْ لَمَجْنُونٌ ﴿٢٧﴾

قَالَ رَبُّ الْمَشْرِقِ وَالْمَغْرِبِ وَمَا بَيْنَهُمَا إِنَّكُمْ لَتَعُولُونَ ﴿٢٨﴾

قَالَ لَئِنِ اتَّخَذَتِ الْهَآءِغِيْرِي لَكِجَلَنَّاكَ مِنَ الْمَسْجُوْرِيْنَ ﴿٢٩﴾

قَالَ أَوْ لَوْ جِئْتُكَ بِشَيْءٍ مُّبِينٍ ﴿٣٠﴾

তো আমার মা আমাকে ঝুড়িতে ভরে নদীতে ভাসিয়ে দিয়েছিলেন। নয়তো আমার লালন-পালনের জন্য কি আমার নিজের গৃহ ছিল না? তাই এ লালন-পালনের জন্য অনুগ্রহীত করার খোঁটা দেয়া তোমার মুখে শোভা পায় না। [দেখুন- কুরতুবী]

- (১) অর্থাৎ যদি আমি সত্যিই সমগ্র বিশ্ব-জাহানের, আকাশ ও পৃথিবীর এবং পূর্ব ও পশ্চিমের রবের পক্ষ থেকে যে আমাকে পাঠানো হয়েছে এর সপক্ষে সুস্পষ্ট আলামত

৩১. ফির'আউন বলল, 'তুমি যদি সত্যবাদী হও তবে তা উপস্থিত কর।'

قَالَ قَاتِلٌ يُدَارِكُ كُنْتُمْ مِنَ الصَّادِقِينَ ﴿٣١﴾

৩২. তারপর মূসা তাঁর লাঠি নিক্ষেপ করলে তৎক্ষণাত্ তা এক স্পষ্ট অজগরে<sup>(১)</sup> পরিণত হল।

وَأَلْقَى عَصَاهُ فَإِذَا هِيَ ثُعْبَانٌ مُّبِينٌ ﴿٣٢﴾

৩৩. আর মূসা তার হাত বের করলে তৎক্ষণাত্ তা দর্শকদের দৃষ্টিতে শুভ্র উজ্জ্বল প্রতিভাত হল।

وَنَزَعْنَا يَمِينَهُ فَاذَا هِيَ بَيْضَاءُ لِلنَّظِيرِينَ ﴿٣٣﴾

### তৃতীয় রুকু'

৩৪. ফির'আউন তার আশেপাশের পরিষদবর্গকে বলল, 'এ তো এক সুদক্ষ জাদুকর!

قَالَ لِلْمَلَائِكَةِ إِنَّ هَذَا السَّحْرُ عَلَيْنَا ﴿٣٤﴾

৩৫. 'সে তোমাদেরকে তোমাদের দেশ থেকে তার জাদুবলে বহিস্কৃত করতে চায়। এখন তোমরা কী করতে বল?'

يُرِيدُ أَنْ يُخْرِجَكُمْ مِنْ أَرْضِكُمْ بِسِحْرِهِ فَمَاذَا تَأْمُرُونَ ﴿٣٥﴾

৩৬. তারা বলল, 'তাকে ও তার ভাইকে কিছু অবকাশ দাও এবং নগরে নগরে সংগ্রাহকদেরকে পাঠাও,

قَالُوا الرَّحْمَةُ وَأَخَاهُ وَأَبْعَثْ فِي الْمَدَائِنِ حَاشِرِينَ ﴿٣٦﴾

৩৭. 'যেন তারা তোমার কাছে প্রতিটি অভিজ্ঞ জাদুকরকে উপস্থিত করে।'

يَأْتُوكَ بِجُلٍّ سَحَّارٍ عَلَيْهِمْ ﴿٣٧﴾

পেশ করি, তাহলে এ অবস্থায়ও কি আমার কথা মেনে নিতে অস্বীকার করা হবে এবং আমাকে কারাগারে পাঠানো হবে? [দেখুন- বাগতী]

- (১) কুরআন মজীদে কোন জায়গায় এ জন্য حية (সাপ) আবার কোথাও جَانٌ (ছোট সাপ) শব্দ ব্যবহার করা হয়েছে। আর এখানে বলা হচ্ছে ثُعْبَانٌ (অজগর)। এর ব্যাখ্যা এভাবে করা যায় যে حية আরবী ভাষায় সর্পজাতির সাধারণ নাম। তা ছোট সাপও হতে পারে আবার বড় সাপও হতে পারে। আর ثُعْبَانٌ শব্দ ব্যবহার করার কারণ হচ্ছে এই যে, দৈহিক আয়তন ও স্থূলতার দিক দিয়ে তা ছিল অজগরের মতো। অন্যদিকে جَانٌ শব্দ ব্যবহার করা হয়েছে ছোট সাপের মতো তার ক্ষীপ্রতা ও তেজস্বীতার জন্য। [দেখুন- ফাতহুল কাদীর]

৩৮. অতঃপর এক নির্ধারিত দিনে নির্দিষ্ট সময়ে জাদুকরদেরকে একত্র করা হল,

فَجُمِعَ السَّحَرَةُ لِيَلْقَاكَ يَوْمَ مَعْلُومٍ ﴿٣٨﴾

৩৯. এবং লোকদেরকে বলা হল, 'তোমরাও সমবেত হচ্ছ কি?'

وَقِيلَ لِلنَّاسِ هَلْ أَنْتُمْ مُجْتَمِعُونَ ﴿٣٩﴾

৪০. 'যেন আমরা জাদুকরদের অনুসরণ করতে পারি, যদি তারা বিজয়ী হয়।'

لَعَلَّكَ تَتَّبِعُ السَّحَرَةَ إِنْ كَانُوا هُمُ الْغَالِبِينَ ﴿٤٠﴾

৪১. অতঃপর জাদুকরেরা এসে ফির'আউনকে বলল, 'আমরা যদি বিজয়ী হই আমাদের জন্য পুরস্কার থাকবে তো?'

فَلَمَّا جَاءَ السَّحَرَةُ قَالَ الْفِرْعَوْنُ إِنْ لَنَا كَرَجٌ إِنْ كُنَّا نَحْنُ الْغَالِبِينَ ﴿٤١﴾

৪২. ফির'আউন বলল, 'হ্যাঁ, তখন তো তোমরা অবশ্যই আমার ঘনিষ্ঠদের शामिल হবে।'

قَالَ نَعَمْ وَإِنَّكُمْ إِذًا لَمِنَ الْمُقَرَّبِينَ ﴿٤٢﴾

৪৩. মূসা তাদেরকে বললেন, 'তোমরা যা নিষ্ফেপ করার তা নিষ্ফেপ কর।'

قَالَ لَهُمْ مُوسَى أَلْقُوا مَا أَنْتُمْ مُلقُونَ ﴿٤٣﴾

৪৪. অতঃপর তারা তাদের রশি ও লাঠি নিষ্ফেপ করল এবং তারা বলল, 'ফির'আউনের ইয্যতের শপথ! আমরাই তো বিজয়ী হব।'

فَأَلْقَوْا حِبَالَهُمْ وَعَصِيَبَهُمْ وَقَالُوا لِعِزَّةِ فِرْعَوْنَ إِنَّا لَنَحْنُ الْغَالِبُونَ ﴿٤٤﴾

৪৫. অতঃপর মূসা তার লাঠি নিষ্ফেপ করলেন, সহসা সেটা তাদের অলীক কীর্তিগুলোকে গ্রাস করতে লাগল।

فَأُلْقَى مُوسَى عَصَاهُ فَإِذَا هِيَ كَلْفُ يَأْسٍ وَكُلُوبٍ ﴿٤٥﴾

৪৬. তখন জাদুকরেরা সিঁজ্‌দাবনত হয়ে পড়ল।

فَأُلْقَى السَّحَرَةُ سَجْدًا لِلْحَيِّ بْنِ ﴿٤٦﴾

৪৭. তারা বলল, 'আমরা ঈমান আনলাম সৃষ্টিকুলের রব-এর প্রতি---

قَالُوا آمَنَّا بِرَبِّ الْعَالَمِينَ ﴿٤٧﴾

৪৮. 'যিনি মূসা ও হারুনকে রব ।'

৪৯. ফির'আউন বলল, 'কী! আমি তোমাদেরকে অনুমতি দেয়ার আগেই তোমরা তার প্রতি বিশ্বাস করলে? সে-ই তো তোমাদের প্রধান যে তোমাদেরকে জাদু শিক্ষা দিয়েছে। সুতরাং শীঘ্রই তোমরা এর পরিণাম জানবে। আমি অবশ্যই তোমাদের হাত এবং তোমাদের পা বিপরীত দিক থেকে কেটে ফেলব এবং তোমাদের সবাইকে শূলবিদ্ধ করবই।'

৫০. তারা বলল, 'কোন ক্ষতি নেই<sup>(১)</sup>, আমরা তো আমাদের রব-এর কাছেই প্রত্যাবর্তনকারী।

৫১. আমরা আশা করি যে, আমাদের রব আমাদের অপরাধ ক্ষমা করবেন, কারণ আমরা মুমিনদের মধ্যে অগ্রণী।'

### চতুর্থ রুকু'

৫২. আর আমরা মূসার প্রতি ওহী করেছিলাম এ মর্মে যে, 'আমার বান্দাদেরকে নিয়ে রাতে বের হউন<sup>(২)</sup>,

رَبِّ مُوسَىٰ وَهَارُونَ ﴿٤٨﴾

قَالَ امْنُمُوهُ قَبْلَ أَنْ أَدْنٰ لَكُمْ إِلَٰهَ الْكِبْرِيَاءِ الَّذِي عَلَّمَكَ السِّحْرَ فَلَسَوْفَ تَعْلَمُونَ لَا أَقْطَعَنَّ أَيْدِيَكُمْ وَأَنْجِلَكُمْ مِنْ خِلَافٍ وَلَا أُصَلِّبَنَّكُمْ أَجْمَعِينَ ﴿٤٩﴾

قَالُوا لَا ضَيْرَ إِنَّا إِلَىٰ رَبِّنَا مُنْقَلِبُونَ ﴿٥٠﴾

إِنَّا نَتَّبِعُكَ إِن يَغْفِرَ لَنَا رَبُّنَا خَطِيئَاتِنَا لَأَن نُّؤَدَّكَ الْمُؤْمِنِينَ ﴿٥١﴾

وَإِذْ نَادَىٰ إِلَىٰ مُوسَىٰ أَنْ أْمُرْ بِعِبَادِي بِرَبِّهِمْ يَسْمَعُونَ ﴿٥٢﴾

(১) অর্থাৎ যখন ফির'আউন জাদুকরদেরকে বিশ্বাস স্থাপনের কারণে হত্যা, হস্ত-পদ কর্তন ও শূলে চড়ানোর হুমকি দিল, তখন জাদুকররা অত্যন্ত তাচ্ছিল্যভরে জবাব দিলঃ তুমি যা করতে পার, কর। আমাদের কোন ক্ষতি নেই। আমরা নিহত হলেও পালনকর্তার কাছে পৌঁছে যাব, সেখানের আরামই আরাম। [কুরতুবী, ফাতহুল কাদীর, মুয়াস্‌সার]

(২) এক হাদীসে এসেছে, রাসূলুল্লাহ সাল্লাল্লাহু 'আলাইহি ওয়া সাল্লাম এক বেদুঈনের বাসায় গেলে সে তাঁকে সম্মান করে। রাসূল সাল্লাল্লাহু 'আলাইহি ওয়া সাল্লাম তাকে বললেনঃ তুমি আমার সাথে সাক্ষাত করতে এসো। বেদুঈন রাসূলের সাথে সাক্ষাত করতে আসলে রাসূল সাল্লাল্লাহু 'আলাইহি ওয়া সাল্লাম বললেনঃ কিছু চাও? সে বললঃ এক উট তার মালামালসহ, আর কিছু ছাগল যা আমার স্ত্রী দোহাতে পারে।

- অবশ্যই তোমাদের পশ্চাদ্ধাবন করা হবে ।’
৫৩. তারপর ফির'আউন শহরে শহরে লোক সংগ্রহকারী পাঠাল,
৫৪. এ বলে, 'এরা তো ক্ষুদ্র একটি দল,
৫৫. আর তারা তো আমাদের ক্রোধ উদ্বেক করেছে;
৫৬. আর আমরা তো সবাই সদা সতর্ক ।’
৫৭. পরিণামে আমরা ফির'আউন গোষ্ঠীকে বহিস্কৃত করলাম তাদের উদ্যানরাজি ও প্রস্রবণ হতে
৫৮. এবং ধন-ভাণ্ডার ও সুরম্য সৌধমালা হতে ।
৫৯. এরূপই ঘটেছিল এবং আমরা বনী

فَأَرْسَلَ فِرْعَوْنُ فِي الْمَدَائِنِ خَيْرِينَ ﴿٥٣﴾

إِنَّ هَؤُلَاءِ لَشِرْذِمَةٌ وَّفِيلُونَ ﴿٥٤﴾

وَأَنَّهُمْ لَنَا الْغَائِظُونَ ﴿٥٥﴾

وَأَنَّا لَجَبَّيْعُ حَذِرُونَ ﴿٥٦﴾

فَأَخْرَجْنَا مِنْ جَدْيٍ وَعَيْبُونَ ﴿٥٧﴾

وَكُنُوزٍ وَمَقَامٍ كَرِيمٍ ﴿٥٨﴾

كَذَلِكَ وَأَوْرَثْنَاهَا بَنِي إِسْرَائِيلَ ﴿٥٩﴾

তখন রাসূলুল্লাহ সাল্লাল্লাহু 'আলাইহি ওয়া সাল্লাম বললেনঃ তুমি কি বনী ইসরাঈলের বৃদ্ধার মত হতে পারলে না? সাহাবাগণ জিজ্ঞেস করলেনঃ বনী ইসরাঈলের বৃদ্ধা, হে আল্লাহর রাসূল, সে আবার কে? রাসূল সাল্লাল্লাহু 'আলাইহি ওয়া সাল্লাম বললেনঃ মূসা 'আলাইহিস্ সালাম যখন বনী ইসরাঈলদের নিয়ে বের হলেন, তখন পথ হারিয়ে ফেললেন । তিনি বনী ইসরাঈলদের বললেনঃ কেন এমন হল? তখন তাদের মাঝে আলেমগণ বললেনঃ ইউসুফ 'আলাইহিস্ সালাম মৃত্যুর পূর্বে বনী ইসরাঈল থেকে অঙ্গীকার নিয়েছিলেন যে, বনী ইসরাঈল মিসর ছেড়ে যাবার সময় অবশ্যই তার কফিনের বাস্তু সাথে নিয়ে যাবে । আর যেহেতু তা নেয়া হয়নি, সেহেতু পথ হারিয়ে যাচ্ছে । তখন ইউসুফ 'আলাইহিস্ সালাম-এর কফিনের সন্ধান করা হল, কেউই তার হাদিস দিতে পারল না শুধু এক বৃদ্ধা ব্যতীত । কিন্তু সে শর্ত সাপেক্ষে বলতে রাজী হল । সে জান্নাতে মূসা 'আলাইহিস্ সালাম-এর সাথে থাকার শর্ত দিল । মূসা 'আলাইহিস্ সালাম কিছুতেই রাজী হন না । শেষ পর্যন্ত আল্লাহর নির্দেশে মূসা 'আলাইহিস্ সালাম রাজী হলেন । তখন বৃদ্ধা এক এলাকায় সেটা দেখিয়ে দিল । সেখানে পানি ছিল । লোকজন সেই পানি সৈঁচে ইউসুফ 'আলাইহিস্ সালাম-এর কফিনের বাস্তু বের করে আনলে সমস্ত পথ স্পষ্ট হয়ে যায় । [ইবনে হিব্বানঃ ৭২৩, মুস্তাদরাকে হাকিমঃ ২/৪০৪-৪০৫, ৫৭১, ৫৭২]



ইসরাঈলকে করেছিলাম এসবের  
অধিকারী<sup>(১)</sup>।

৬০. অতঃপর তারা সূর্যোদয়কালে ওদের  
পিছনে এসে পড়ল।

فَاتَّبَعُوهُمْ مُشْرِقِينَ ﴿٦٠﴾

৬১. অতঃপর যখন দু'দল পরস্পরকে  
দেখল, তখন মূসার সঙ্গীরা বলল,  
'আমরা তো ধরা পড়ে গেলাম!'

فَلَمَّا رَأَى الْجَمْعُ قَالَ أَصْحَابُ مُوسَى إِنَّا  
لَمُدْرُونُ ﴿٦١﴾

৬২. মূসা বললেন, 'কখনই নয়! আমার  
সঙ্গে আছেন আমার রব<sup>(২)</sup>; সত্বর  
তিনি আমাকে পথনির্দেশ করবেন।'

قَالَ كَلَّا إِنَّ مَعِيَ رَبِّي سَيَهْدِينُ ﴿٦٢﴾

৬৩. অতঃপর আমরা মূসার প্রতি ওহী  
করলাম যে, আপনার লাঠি দ্বারা সাগরে  
আঘাত করুন। ফলে তা বিভক্ত হয়ে  
প্রত্যেক ভাগ বিশাল পর্বতের মত হয়ে  
গেল<sup>(৩)</sup>;

فَأَوْحَيْنَا إِلَىٰ مُوسَىٰ أَنْ اصْرُبْ بِعَصَاكَ الْبَحْرَ  
فَاتَفَلَّقَ فَمَا كَانَ كُلُّ قَوْمٍ مِنَ الطُّورِ الْعَظِيمِ ﴿٦٣﴾

৬৪. আর আমরা সেখানে কাছে নিয়ে  
এলাম অন্য দলটিকে,

وَأَلْقَيْنَا لَمًّا الْآخَرِينَ ﴿٦٤﴾

(১) এ আয়াতে বাহ্যতঃ বলা হয়েছে যে, ফির'আউন সম্প্রদায়ের পরিত্যক্ত সম্পত্তি, বাগ-বাগিচা ও ধন-ভাণ্ডারের মালিক তাদের নিমজ্জিত হওয়ার পর বনী ইসরাঈলকে করে দেয়া হয়। [তাবারী, কুরতুবী] এই ঘটনাটি কুরআনুল কারীমের একাধিক সূরায় ব্যক্ত হয়েছে। যেমন, সূরা আল-আ'রাফের ১৩৬ ও ১৩৭ নং আয়াতে, সূরা আল-কাসাসের ৫ নং আয়াতে, সূরা আদ-দোখানের ২৫ থেকে ২৮ নং আয়াতসমূহে এবং সূরা আশ-শু'আরার আলোচ্য ৫৯ নং আয়াতে এ ঘটনা উল্লেখিত হয়েছে।

(২) পশ্চাদ্ধাবনকারী ফির'আউনী সৈন্য বাহিনী যখন তাদের সামনে এসে যায়, তখন সমগ্র বনী ইসরাঈল চিৎকার করে উঠল, হায়! আমরা তো ধরা পড়ে গেলাম! আর ধরা পড়ার মধ্যে সন্দেহ ও দেরীই বা কি ছিল, পশ্চাতে অতিবিক্রম সেনাবাহিনী এবং সম্মুখে সমুদ্র-অন্তরায়। এই পরিস্থিতি মূসা 'আলাইহিস্ সালাম-এরও অগোচরে ছিল না। কিন্তু তিনি দৃঢ়তার হিমালয় হয়ে আল্লাহ্ তা'আলার প্রতিশ্রুতিতে দৃঢ় বিশ্বাসী ছিলেন। তিনি তখনো সজোরে বলেনঃ ﴿لَا أَمْرًا لَنَا بِمَا نَعْمَدُ﴾ আমরা তো ধরা পড়তে পারি না। ﴿إِنَّ مَعِيَ رَبِّي سَيَهْدِينُ﴾ আমার সাথে আমার পালনকর্তা আছেন। তিনি আমাদের পথ বলে দেবেন। [দেখুন-কুরতুবী]

(৩) অর্থাৎ পানি উভয় দিকে খুব উঁচু উঁচু পাহাড়ের মতো দাঁড়িয়ে গিয়েছিল। [কুরতুবী]

৬৫. এবং আমরা উদ্ধার করলাম মূসা ও তার সঙ্গী সকলকে,

وَلَجَيْنَا مُوسَىٰ وَمَنْ مَعَهُ أَجْمَعِينَ ﴿٦٥﴾

৬৬. তারপর নিমজ্জিত করলাম অন্য দলটিকে ।

كَمْ أَغْرَقْنَا الْأَخْرِيْنَ ﴿٦٦﴾

৬৭. এতে তো অবশ্যই নিদর্শন রয়েছে, কিন্তু তাদের অধিকাংশই মুমিন নয় ।

إِنَّ فِي ذَٰلِكَ لَآيَةً وَمَا كَانَ لِئَهُمُ الْمُؤْمِنِينَ ﴿٦٧﴾

৬৮. আর আপনার রব, তিনি তো পরাক্রমশালী, পরম দয়ালু ।

وَإِنَّ رَبَّكَ لَهُوَ الْعَزِيزُ الرَّحِيمُ ﴿٦٨﴾

### পঞ্চম রুকু'

৬৯. আর আপনি তাদের কাছে ইব্রাহীমের বৃত্তান্ত বর্ণনা করুন ।

وَأُنِّلْ عَلَيْهِمْ نَبَأَ إِبْرَاهِيمَ ﴿٦٩﴾

৭০. যখন তিনি তার পিতা ও তার সম্প্রদায়কে বলেছিলেন, 'তোমরা কিসের 'ইবাদাত কর?'

إِذْ قَالَ لِأَبِيهِ وَقَوْمِهِ مَا تَعْبُدُونَ ﴿٧٠﴾

৭১. তারা বলল, 'আমরা মূর্তির পূজা করি সুতরাং আমরা নিষ্ঠার সাথে সেগুলোকে আঁকড়ে থাকব ।'

قَالُوا نَعْبُدُ أَصْنَامًا فَنَظُنُّهَا غَافِقِينَ ﴿٧١﴾

৭২. তিনি বললেন, 'তোমরা যখন আহ্বান কর তখন তারা তোমাদের আহ্বান শোনে কি?'

قَالَ هَلْ يُسْمِعُونَكُمُ إِذْ تَدْعُونَ ﴿٧٢﴾

৭৩. 'অথবা তারা কি তোমাদের উপকার কিংবা অপকার করতে পারে?'

أَوْ يَنْفَعُونَكُمُ أَوْ يَضُرُّونَ ﴿٧٣﴾

৭৪. তারা বলল, 'না, তবে আমরা আমাদের পিতৃপুরুষদেরকে পেয়েছি, তারা এরূপই করত ।'

قَالُوا بَلْ وَجَدْنَا آبَاءَنَا كَذَٰلِكَ يَفْعَلُونَ ﴿٧٤﴾

৭৫. ইব্রাহীম বললেন, 'তোমরা কি ভেবে দেখেছ, যাদের 'ইবাদাত তোমরা করে থাক,

قَالَ أَفَرَأَيْتُمْ مَا كُنْتُمْ تَعْبُدُونَ ﴿٧٥﴾

৭৬. 'তোমরা এবং তোমাদের পূর্ববর্তী  
পিতৃপুরুষরা!

أَنْتُمْ وَالْآبَاءُ وَالْأَقْدَامُونَ ﴿٧٦﴾

৭৭. সৃষ্টিকুলের রব ব্যতীত এরা সবাই তো  
আমার শত্রু ।

فَأِنَّهُمْ عَدُوٌّ لِّيَ إِلَّا رَبَّ الْعَالَمِينَ ﴿٧٧﴾

৭৮. 'যিনি আমাকে সৃষ্টি করেছেন, অতঃপর  
তিনিই আমাকে হেদায়াত দিয়েছেন ।

الَّذِي خَلَقَنِي فَهُوَ يَهْدِينِ ﴿٧٨﴾

৭৯. আর 'তিনিই আমাকে খাওয়ান ও পান  
করান ।

وَالَّذِي هُوَ يُطْعِمُنِي وَيَسْقِينِ ﴿٧٩﴾

৮০. 'এবং রোগাক্রান্ত হলে তিনিই আমাকে  
আরোগ্য দান করেন<sup>(১)</sup>;

وَإِذَا مَرَضْتُ فَهُوَ يَشْفِينِ ﴿٨٠﴾

৮১. 'আর তিনিই আমার মৃত্যু ঘটাবেন,  
তারপর আমাকে পুনর্জীবিত  
করবেন ।

وَالَّذِي يُمِيتُنِي ثُمَّ يُحْيِينِ ﴿٨١﴾

৮২. 'এবং যার কাছে আশা করি যে, তিনি  
কিয়ামতের দিন আমার অপরাধ ক্ষমা  
করে দেবেন ।

وَالَّذِي أَطْمَعُ أَنْ يَغْفِرَ لِي خَطِيئَتِي يَوْمَ الدِّينِ ﴿٨٢﴾

৮৩. 'হে আমার রব! আমাকে প্রজ্ঞা দান  
করুন এবং সৎকর্মশীলদের সাথে  
মিলিয়ে দিন ।

رَبِّ هَبْ لِي حُكْمًا وَارْحَمْنِي بِالطَّالِبِينَ ﴿٨٣﴾

৮৪. 'আর আমাকে পরবর্তীদের মধ্যে  
যশস্বী করুন<sup>(২)</sup>,

وَاجْعَلْ لِي لِسَانَ صِدْقٍ فِي الْآخِرِينَ ﴿٨٤﴾

(১) অর্থাৎ আমি যখন অসুস্থ হই, তখন তিনিই আমাকে আরোগ্য দান করেন । এখানে লক্ষণীয় ব্যাপার যে, রোগাক্রান্ত হওয়াকে ইব্রাহীম 'আলাইহিস সালাম তার নিজের দিকে সম্পর্কযুক্ত করেছেন, যদিও আল্লাহর নির্দেশেই সবকিছু হয় । এটাই হল আল্লাহর সাথে আদাব বা শিষ্টাচার । [দেখুন-বাগভী,কুরতুবী]

(২) এ আয়াতের অর্থ এই যে, আল্লাহ আমাকে এমন সুন্দর তরিকা ও উত্তম নিদর্শন দান করুন, যা কেয়ামত পর্যন্ত মানবজাতি অনুসরণ করে এবং আমাকে উৎকৃষ্ট আলোচনা ও সদগুণাবলী দ্বারা স্মরণ করে । [ফাতহুল কাদীর,বাগভী,কুরতুবী]

৮৫. 'এবং আমাকে সুখময় জান্নাতের  
অধিকারীদের অন্তর্ভুক্ত করুন,

وَأَجْعَلْنِي مِّنْ وَرَثَةِ جَنَّةِ النَّبِيِّينَ ﴿٨٥﴾

৮৬. 'আর আমার পিতাকে ক্ষমা করুন,  
তিনি তো পথভ্রষ্টদের শামিল  
ছিলেন<sup>(১)</sup>।

وَأَعْفِرْ لِي آثِمَةَ أَبِيكَ إِنَّهُ كَانَ مِّنَ الضَّالِّينَ ﴿٨٦﴾

৮৭. 'এবং আমাকে লাঞ্ছিত করবেন না  
পুনরুত্থানের দিনে<sup>(২)</sup>

وَلَا تُخْزِنِي يَوْمَ يُبْعَثُونَ ﴿٨٧﴾

(১) পবিত্র কুরআনের অন্যত্র বলা হয়েছে, ﴿مَا كَانَ لِلنَّبِيِّ وَالنَّبِيِّاتِ أَنْ يُسْتَفْعَزُوا لِلشِّرْكِيِّينَ﴾ "আত্মীয়-স্বজন হলেও মুশরিকদের জন্য ক্ষমা প্রার্থনা করা নবী এবং মু'মিনদের জন্য সংগত নয় যখন এটা সুস্পষ্ট হয়ে গেছে যে, নিশ্চিতই ওরা জাহান্নামী"। [সূরা আত-তাওবাঃ ১১৩] কুরআনুল কারীমের এই ফরমান জারি হওয়ার পর এখন যার মৃত্যু কুফরের উপর নিশ্চিত ও অবধারিত; তার জন্য মাগফেরাতের দো'আ করা অবৈধ ও হারাম। কিন্তু এ আয়াতে আল্লাহ্ তা'আলা ইব্রাহীম 'আলাইহিস্ সালাম-এর দো'আ উল্লেখ করে বলেছেনঃ ﴿وَأَعْفِرْ لِي آثِمَةَ أَبِيكَ إِنَّهُ كَانَ مِّنَ الضَّالِّينَ﴾ "আর আমার পিতাকে ক্ষমা করে দিন তিনি তো পথভ্রষ্টদের শামিল ছিলেন"। তা থেকে প্রশ্ন দেখা দেয় যে, উপরোক্ত নিষেধাজ্ঞার পর ইব্রাহীম 'আলাইহিস্ সালাম তার মুশরিক পিতার জন্য কেন মাগফেরাতের দো'আ করলেন? আল্লাহ্ রাব্বুল 'আলামীন নিজেই কুরআনুল কারীমে এ প্রশ্নের জবাব দিয়েছেন। তিনি বলেনঃ ﴿وَمَا كَانَ اسْتِغْفَارُ إِبْرَاهِيمَ لِأبيهِ إِلَّا عَن مَّوْعِدَةٍ وَعَدَّهَا تَبَاهًا ۚ وَكَذَلِكَ نَبِّئُكَ لِقَاءَهُ ۖ عَدُوٌّ بَيْنَهُمَا وَبَيْنَ أَهْلِهِمَا لَكَوَاهٍ حَلِيمٌ﴾ [সূরা আত-তাওবাঃ ১১৪] -অর্থাৎ "ইব্রাহীম তাঁর পিতার জন্য ক্ষমা প্রার্থনা করেছিলেন, তাকে এর প্রতিশ্রুতি দিয়েছিলেন বলে; তারপর যখন এটা তাঁর কাছে সুস্পষ্ট হল যে, সে আল্লাহ্র শত্রু তখন ইব্রাহীম তার থেকে নিজেকে বিমুক্ত ঘোষণা করলেন। ইব্রাহীম তো কোমল হৃদয় ও সহনশীল।"

(২) অর্থাৎ ইব্রাহীম 'আলাইহিস্ সালাম বললেনঃ 'হে আমার রব! যেদিন সমস্ত সৃষ্টিজগতকে পুনরুত্থান করা হবে, সেই কেয়ামতের দিন আমাকে লজ্জিত করবেন না। হাদীসে এসেছে, ইব্রাহীম 'আলাইহিস্ সালাম কেয়ামতের দিন তার পিতা আজরকে তার মুখে ধূলিমলিন কুৎসিত অবস্থায় দেখতে পাবেন। তখন ইব্রাহীম 'আলাইহিস্ সালাম তাকে বলবেনঃ আমি কি আপনাকে বলিনি যে, আমার অবাধ্য হবেন না? তখন তার বাবা তাকে বলবেনঃ আমি আজ তোমার অবাধ্য হব না। তখন ইব্রাহীম 'আলাইহিস্ সালাম বলবেনঃ হে রব! আপনি আমাকে পুনরুত্থান দিনে লজ্জিত না করার ওয়াদা করেছেন। আমার পিতার ধ্বংসের চেয়ে লজ্জাজনক ব্যাপার আর কি হতে পারে? তখন আল্লাহ্ তা'আলা বলবেনঃ আমি কাফেরদের উপর জান্নাত হারাম করে দিয়েছি। তারপর বলা হবেঃ হে ইব্রাহীম! আপনার পায়ের

৮৮. 'যে দিন ধন-সম্পদ ও সন্তান-সন্ততি কোন কাজে আসবে না;
৮৯. 'সে দিন উপকৃত হবে শুধু সে, যে আল্লাহর কাছে আসবে বিস্ময় অস্তুরকরণ নিয়ে ।'
৯০. আর মুত্তাকীদের নিকটবার্তী করা হবে জান্নাত,
৯১. এবং পথভ্রষ্টদের জন্য উন্মোচিত করা হবে জাহান্নাম<sup>(১)</sup>;
৯২. তাদেরকে বলা হবে, 'তারা কোথায়, তোমরা যাদের 'ইবাদাত করতে---
৯৩. 'আল্লাহর পরিবর্তে? তারা কি তোমাদের সাহায্য করতে পারে অথবা তারা কি আত্মরক্ষা করতে সক্ষম?'
৯৪. অতঃপর তাদেরকে এবং পথ ভ্রষ্টকারীদেরকে জাহান্নামে নিক্ষেপ করা হবে অধোমুখী করে<sup>(২)</sup>,

يَوْمَ لَا يَنْفَعُ مَالٌ وَلَا بَنُونَ ﴿٨٨﴾

إِلَّا مَنْ آتَى اللَّهَ بِقَلْبٍ سَلِيمٍ ﴿٨٩﴾

وَأُزْلِفَتِ الْجَنَّةُ لِلْمُتَّقِينَ ﴿٩٠﴾

وَبُرِّزَتِ الْجَحِيمُ لِلْغُورِ ﴿٩١﴾

وَقِيلَ لَهُمْ أَيْنَمَا كُنْتُمْ تُعْبُدُونَ ﴿٩٢﴾

مِنْ دُونِ اللَّهِ هَلْ يَبْصُرُونَكُمْ أَوْ يَنْصُرُونَ ﴿٩٣﴾

فَلْيَبْكِوْا فِيهَا هُمْ وَالْغَاوِنُ ﴿٩٤﴾

নীচে কি? তখন তিনি তাকালে দেখতে পাবেন বিদঘুটে কুৎসিত হয়েনা জাতীয় এক প্রাণী । তখন তার চার পা ধরে তাকে জাহান্নামে নিক্ষেপ করা হবে । (অর্থাৎ সে এমন ঘৃণিত হবে যে, ইব্রাহীম 'আলাইহিস্ সালাম তার জন্য কথা বলতে চাইবেন না ।) [বুখারীঃ ৩৩৫০]

- (১) অর্থাৎ একদিকে মুত্তাকিরা জান্নাতে প্রবেশ করার আগেই দেখতে থাকবে, আল্লাহর মেহেরবানীতে কেমন নিয়ামতে পরিপূর্ণ জায়গায় তারা যাবে । অন্যদিকে পথভ্রষ্টরা তখনো হাশরের ময়দানেই অবস্থান করবে । যে জাহান্নামে তাদের গিয়ে থাকতে হবে তার ভয়াবহ দৃশ্য তাদের সামনে উপস্থাপিত করা হবে । [দেখুন-ফাতহুল কাদীর, কুরতুবী]
- (২) মূলে كَبُّوا فِيهَا শব্দ ব্যবহার করা হয়েছে । এর মধ্যে দু'টি অর্থ নিহিত । এক, একজনের উপর অন্য একজনকে ধাক্কা দিয়ে অধোমুখী করে ফেলে দেয়া হবে । দুই, তারা জাহান্নামের গর্তের তলদেশ পর্যন্ত গড়িয়ে যেতে থাকবে । [দেখুন-কুরতুবী]

৯৫. এবং ইবলীসের বাহিনীর সকলকেও ।  
وَجُودُ إِبْلِيسَ أَجْمَعُونَ ﴿٩٥﴾
৯৬. তারা সেখানে বিতর্কে লিপ্ত হয়ে  
বলবে,  
قَالُوا وَهُمْ فِيهَا يَخْتَصِمُونَ ﴿٩٦﴾
৯৭. 'আল্লাহর শপথ! আমরা তো স্পষ্ট  
পথভ্রষ্টতায় নিমজ্জিত ছিলাম',  
قَالَ اللَّهُ إِنَّ كُنَّا لَفِي ضَلَالٍ مُّبِينٍ ﴿٩٧﴾
৯৮. 'যখন আমরা তোমাদেরকে সৃষ্টিকুলের  
রব-এর সমকক্ষ গণ্য করতাম ।  
إِذْ سَأَلْتَهُم بِرَبِّ الْعَالَمِينَ ﴿٩٨﴾
৯৯. 'আর আমাদেরকে কেবল দুসৃতিকারীরাই  
পথভ্রষ্ট করেছিল;  
وَمَا أَضَلَّنَا إِلَّا الْمُجْرِمُونَ ﴿٩٩﴾
১০০. 'অতএব আমাদের কোন সুপারিশকারী  
নেই ।  
فَمَا لَنَا مِن شَافِعِينَ ﴿١٠٠﴾
১০১. এবং কোন সহৃদয় বন্ধুও নেই ।  
وَلَا صَدِيقٍ حَمِيمٍ ﴿١٠١﴾
১০২. 'হায়, যদি আমাদের একবার ফিরে  
যাওয়ার সুযোগ ঘটত, তাহলে আমরা  
মুমিনদের অন্তর্ভুক্ত হয়ে যেতাম<sup>(১)</sup>!'  
فَأَوَّانَ لِمَا كَرِهَ اللَّهُ فَأَنْزَلَ مِنَ الْمُؤْمِنِينَ ﴿١٠٢﴾
১০৩. এতে তো অবশ্যই নিদর্শন রয়েছে,  
কিন্তু তাদের অধিকাংশই মুমিন নয় ।  
إِنَّ فِي ذَلِكَ آيَةً وَمَا كَانَ أَكْثَرُهُمْ مُؤْمِنِينَ ﴿١٠٣﴾
১০৪. আর আপনার রব, তিনি তো  
পরাক্রমশালী, পরম দয়ালু ।  
وَإِنَّ رَبَّكَ لَهُوَ الْعَزِيزُ الرَّحِيمُ ﴿١٠٤﴾
- ষষ্ঠ রুকু'**
১০৫. নূহের সম্প্রদায় রাসূলগণের প্রতি  
মিথ্যা আরোপ করেছিল ।  
كَذَّبَتْ قَوْمُ نُوحٍ الْمُرْسَلِينَ ﴿١٠٥﴾
১০৬. যখন তাদের ভাই নূহ তাদেরকে  
বলেছিলেন, 'তোমরা কি তাকওয়া  
إِذْ قَالَ لَهُمْ أَخُوهُمْ نُوحٌ أَلَا تَتَّقُونَ ﴿١٠٦﴾

(১) এ আকাংখার জবাবও কুরআনের এভাবে দেয়া হয়েছে, "যদি তাদেরকে পূর্ববর্তী জীবনে ফিরিয়ে দেয়া হয় তাহলে তারা তাই করতে থাকবে যা করতে তাদেরকে নিষেধ করা হয়েছে ।" [সূরা আল-আন'আম: ২৮]

অবলম্বন করবে না?

১০৭. 'আমি তো তোমাদের জন্য এক বিশ্বস্ত রাসূল ।

إِنِّي لَكُمْ رَسُولٌ أَمِينٌ ﴿١٠٧﴾

১০৮. 'অতএব তোমরা আল্লাহর তাকওয়া অবলম্বন কর এবং আমার আনুগত্য কর<sup>(১)</sup> ।

فَاتَّقُوا اللَّهَ وَأَطِيعُوا عَمْرًا

১০৯. 'আর আমি তোমাদের কাছে এর জন্য কোন প্রতিদান চাই না; আমার পুরস্কার তো সৃষ্টিকুলের রব-এর কাছেই আছে ।

وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَىٰ رَبِّ الْعَالَمِينَ ﴿١٠٩﴾

১১০. 'কাজেই তোমরা আল্লাহর তাকওয়া অবলম্বন কর এবং আমার আনুগত্য কর ।'

فَاتَّقُوا اللَّهَ وَأَطِيعُوا عَمْرًا

১১১. তারা বলল, 'আমরা কি তোমার প্রতি বিশ্বাস স্থাপন করব অথচ ইতরজনেরা তোমার অনুসরণ করছে?'

قَالُوا أَلَنْ نُّؤْمِنُ بِكَ وَأَتَّبِعَكَ الْإِرْدَ لَوْ نَشَاءُ

১১২. নূহ বললেন, 'তারা কী করত তা আমার জানার কি দরকার?'

قَالَ وَمَا عَلَيَّ بِمَا كَانُوا يَعْمَلُونَ ﴿١١٢﴾

১১৩. 'তাদের হিসেব গ্রহণ তো আমার রব-এরই কাজ; যদি তোমরা বুঝতে!

إِنْ حَسَابُهُمْ إِلَّا عَلَىٰ رَبِّي لَوْ تَشْعُرُونَ ﴿١١٣﴾

১১৪. আর আমি তো 'মুমিনদেরকে তাড়িয়ে দেয়ার নই ।

وَمَا أَنَا بِطَارِدِ الْمُؤْمِنِينَ ﴿١١٤﴾

১১৫. 'আমি তো শুধু একজন স্পষ্ট সতর্ককারী ।'

إِن أَنَا إِلَّا نَذِيرٌ مُّبِينٌ ﴿١١٥﴾

(১) আয়াতটি তাকীদ বা গুরুত্ব প্রকাশের জন্য এবং একথা ব্যক্ত করার জন্য আনা হয়েছে যে, রাসূলের আনুগত্য ও আল্লাহকে ভয় করার জন্য কেবল রাসূলের বিশ্বস্ততা ও ন্যায়পরায়ণতা অথবা কেবল প্রচারকার্যে প্রতিদান না চাওয়াই যথেষ্ট ছিল । কিন্তু যে রাসূলের মধ্যে সবগুলো গুণই বিদ্যমান আছে, তার আনুগত্য করা ও আল্লাহকে ভয় করা তো আরো অপরিহার্য হয়ে পড়ে । [ফাতহুল কাদীর]

১১৬. তারা বলল, 'হে নূহ! তুমি যদি নিবৃত্ত না হও তবে তুমি অবশ্যই পাথরের আঘাতে নিহতদের মধ্যে शामिल হবে।'

قَالُوا لَئِنْ كُنْتُمْ تُبْرَأُونَ لَنَكُونَنَّ مِنَ  
الْمُرْسُومِينَ ﴿١١٦﴾

১১৭. নূহ বললেন, 'হে আমার রব! আমার সম্প্রদায় তো আমার উপর মিথ্যারোপ করেছে।

قَالَ رَبِّ إِنَّ قَوْمِي كَذَّبُونِ ﴿١١٧﴾

১১৮. 'কাজেই আপনি আমার ও তাদের মধ্যে স্পষ্ট মীমাংসা করে দিন এবং আমাকে ও আমার সাথে যেসব মুমিন আছে, তাদেরকে রক্ষা করুন<sup>(১)</sup>।'

فَأَقِمْ بَيْنِي وَبَيْنَهُمْ قِسْمًا صَدَقَ وَإِنِّي مِنَ  
الْمُؤْمِنِينَ ﴿١١٨﴾

১১৯. অতঃপর আমরা তাকে ও তার সঙ্গে যারা ছিল, তাদেরকে রক্ষা করলাম বোঝাই নৌযানে<sup>(২)</sup>।

فَأَنْجَيْنَاهُ وَمَنْ مَعَهُ فِي الْفُلِّ الْمَشْحُونِ ﴿١١٩﴾

১২০. এরপর আমরা বাকী সবাইকে ডুবিয়ে দিলাম।

ثُمَّ أَخْرَجْنَا بَعْدَ الْبَاقِينَ ﴿١٢٠﴾

১২১. এতে তো অবশ্যই নিদর্শন রয়েছে, কিন্তু তাদের অধিকাংশই ঈমানদার নয়।

إِنَّ فِي ذَلِكَ لَآيَةً وَمَا كَانَ أَكْثَرُهُمْ مُؤْمِنِينَ ﴿١٢١﴾

১২২. আর আপনার রব, তিনি তো পরাক্রমশালী, পরম দয়ালু।

وَإِنَّ رَبَّكَ لَهُوَ الْعَزِيزُ الرَّحِيمُ ﴿١٢٢﴾

(১) অর্থাৎ নূহ 'আলাইহিস্ সালাম দো'আ করলেন যে, হে আল্লাহ! আপনি আমার ও আমার জাতির মধ্যে ফায়সালা করে দিন এবং আমাকে ও আমার সাথী ঈমানদারদেরকে রক্ষা করুন। [দেখুন-মুয়াসসার] অন্যান্য সূরাসমূহেও নূহ 'আলাইহিস্ সালাম-এর এ দো'আ এবং আল্লাহর পক্ষ থেকে তার জবাব উল্লেখ করা হয়েছে। যেমন, সূরা আল-কামারঃ ১০-১৪।

(২) "বোঝাই নৌযান" এর অর্থ হচ্ছে, এ নৌকাটি সকল মু'মিন ও সকল প্রাণীতে পরিপূর্ণ ছিল। [দেখুন: ফাতহুল কাদীর, সা'দী] পূর্বেই এ প্রাণীদের এক একটি জোড়া সংগে নেবার জন্য নির্দেশ দেয়া হয়েছিল। এ সম্পর্কে বিস্তারিত দেখুন সূরা হূদ ৪০ আয়াত।



## সপ্তম রুকু'

১২৩. 'আদ সম্প্রদায় রাসূলদের প্রতি মিথ্যারোপ করেছিল।
১২৪. যখন তাদের ভাই হুদ তাদেরকে বললেন, 'তোমরা কি তাকওয়া অবলম্বন করবে না?
১২৫. 'আমি তো তোমাদের জন্য এক বিশ্বস্ত রাসূল।
১২৬. 'অতএব তোমরা আল্লাহর তাকওয়া অবলম্বন কর এবং আমার আনুগত্য কর।
১২৭. 'আর আমি তোমাদের কাছে এর জন্য কোন প্রতিদান চাই না, আমার পুরস্কার তো সৃষ্টিকুলের রব-এর কাছেই।
১২৮. 'তোমরা কি প্রতিটি উচ্চ স্থানে<sup>(১)</sup> স্তম্ভ নির্মাণ করছ নিরর্থক<sup>(২)</sup>?
১২৯. 'আর তোমরা প্রাসাদসমূহ<sup>(৩)</sup> নির্মাণ করছ যেন তোমরা স্থায়ী হবে<sup>(৪)</sup>।

كَذَّبَتْ عَادٌ الْرُسُلِينَ ﴿١٢٣﴾

إِذْ قَالَ لَهُمُ أَخُوهُمْ هُودٌ أَالَّا تَتَّقُونَ ﴿١٢٤﴾

إِنِّي لَكُمْ رَسُولٌ أَمِينٌ ﴿١٢٥﴾

فَاتَّقُوا اللَّهَ وَأَطِيعُوا ﴿١٢٦﴾

وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَىٰ رَبِّ الْعَالَمِينَ ﴿١٢٧﴾

أَتَعْبُونَ كُلَّ رِيعٍ أَيُّةً يُعْبُونَ ﴿١٢٨﴾

وَتَتَّبِدُونَ مَصَانِعَ لَعَلَّكُمْ تَخْلُدُونَ ﴿١٢٩﴾

- (১) ইবনে আব্বাস রাদিয়াল্লাহু 'আনহুমা মতে ৰূبع উচ্চ স্থানকে বলা হয়। মুজাহিদ ও অনেক তাফসীরবিদের মতে ৰূبع দুই পাহাড়ের মধ্যবর্তী পথকে বলা হয়। [কুরতুবী]
- (২) تَعْبُونَ -এর আসল অর্থ নিদর্শন। এস্থলে সুউচ্চ স্মৃতিসৌধ বোঝানো হয়েছে। عِبْت শব্দটি থেকে উদ্ভূত। এর অর্থ অযথা বা যাতে কোন প্রকার উপকার নেই। এখানে অর্থ এই যে, তারা অযথা সুউচ্চ অট্টালিকা নির্মাণ করত, যার কোন প্রয়োজন ছিল না। এতে শুধু গর্ব করাই উদ্দেশ্য থাকত। [ইবন কাসীর]
- (৩) مَصَانِع শব্দটি مَصْنَع -এর বহুবচন। কাতাদাহ্ বলেনঃ مَصَانِع বলে পানির চৌবাচ্চা বোঝানো হয়েছে; কিন্তু মুজাহিদ বলেন যে, এখানে সুদৃঢ় প্রাসাদ বোঝানো হয়েছে। [ইবন কাসীর]
- (৪) تَخْلُدُونَ ইমাম বুখারী সহীহ্ বুখারীতে বর্ণনা করেন যে, এখানে لعل শব্দটি تشبيه অর্থাৎ উদাহরণ অর্থে ব্যবহৃত হয়েছে। ইবনে আব্বাস এর অনুবাদে বলেনঃ كَأَنَّكُمْ تَخْلُدُونَ -অর্থাৎ যেন তোমরা চিরকাল থাকবে। [কুরতুবী]

১৩০. আর যখন তোমরা আঘাত হান তখন  
আঘাত হেনে থাক স্বেচ্ছাচারী হয়ে ।

وَإِذْ أَنْتُمْ بِطِغْيَاتِكُمْ بِجِبْرَانٍ ۝١٣٠

১৩১. সুতরাং তোমরা আল্লাহর তাকওয়া  
অবলম্বন কর এবং আমার আনুগত্য  
কর ।

فَاتَّقُوا اللَّهَ وَأَطِيعُوا ۝١٣١

১৩২. আর তোমরা তাঁর তাকওয়া অবলম্বন  
কর যিনি তোমাদেরকে দান করেছেন  
সে সমুদয়, যা তোমরা জান ।

وَاتَّقُوا الَّذِي أَمَّاكُمْ بِمَا تَعْلَمُونَ ۝١٣٢

১৩৩. তিনি তোমাদেরকে দান করেছেন  
চতুষ্পদ জন্তু ও পুত্র সন্তান,

أَمَّاكُمْ بِأَنْعَامٍ وَبَنِينَ ۝١٣٣

১৩৪. এবং উদ্যান ও প্রস্রবণ;

وَجَنَّاتٍ وَعُيُونٍ ۝١٣٤

১৩৫. 'আমি তো তোমাদের জন্য আশংকা  
করি মহাদিনের শাস্তির ।'

إِنِّي أَخَافُ عَلَيْكُمْ عَذَابَ يَوْمٍ عَظِيمٍ ۝١٣٥

১৩৬. তারা বলল, 'তুমি উপদেশ দাও বা  
না-ই দাও, উভয়ই আমাদের জন্য  
সমান ।

قَالُوا سَوَاءٌ عَلَيْنَا أَوَعَظْتَ أَمْ لَمْ تَكُنْ مِنَ  
الْوَعَّظِينَ ۝١٣٦

১৩৭. 'এটা তো কেবল পূর্ববর্তীদেরই  
স্বভাব ।

إِنَّ هَذَا إِلَّا خَلْقُ الْأَوَّلِينَ ۝١٣٧

১৩৮. 'আমরা মোটেই শাস্তিপ্রাপ্ত হবো না ।'

وَمَا نَحْنُ بِمُعَذَّبِينَ ۝١٣٨

১৩৯. সুতরাং তারা তার প্রতি মিথ্যারোপ  
করল ফলে আমরা তাদেরকে ধ্বংস  
করলাম । এতে তো অবশ্যই আছে  
নিদর্শন; কিন্তু তাদের অধিকাংশই  
মুমিন নয়<sup>(১)</sup> ।

فَكَذَّبُوهُ فَأَهْلَكْنَاهُمْ إِنَّ فِي ذَلِكَ لَآيَةً لِّمَنْ كَانَ  
أَكْثَرُهُمْ مُؤْمِنِينَ ۝١٣٩

১৪০. আর আপনার রব, তিনি তো  
পরাক্রমশালী, পরম দয়ালু ।

وَإِنَّ رَبَّكَ لَهُوَ الْعَزِيزُ الرَّحِيمُ ۝١٤٠

(১) আল্লাহ তা'আলা বলেছেন যে, তারা তাদের নবী হুদ আলাইহিস সালাম এর উপর  
মিথ্যারোপ করেছিল, ফলে আল্লাহ তাদেরকে ধ্বংস করে দিয়েছেন । [ইবন কাসীর]

## অষ্টম রুকু'

১৪১. সামুদ সম্প্রদায় রাসূলগণের প্রতি মিথ্যারোপ করেছিল।
১৪২. যখন তাদের ভাই সালিহ তাদেরকে বললেন, 'তোমরা কি তাকওয়া অবলম্বন করবে না?'
১৪৩. 'আমি তো তোমাদের জন্য এক বিশ্বস্ত রাসূল।
১৪৪. সুতরাং তোমরা আল্লাহর তাকওয়া অবলম্বন কর এবং আমার আনুগত্য কর,
১৪৫. 'আর আমি তোমাদের কাছে এর জন্য কোন প্রতিদান চাই না, আমার প্রতিদান তো সৃষ্টিকুলের রব-এর কাছেই আছে।
১৪৬. 'তোমাদেরকে কি নিরাপদ অবস্থায় ছেড়ে রাখা হবে, যা এখানে আছে তাতে-
১৪৭. 'উদ্যানে, প্রস্রবণে
১৪৮. 'ও শস্যক্ষেত্রে এবং সুকোমল গুচ্ছ বিশিষ্ট খেজুর বাগানে?'
১৪৯. 'আর তোমরা নৈপুণ্যের সাথে পাহাড় কেটে ঘর নির্মাণ করছ।
১৫০. সুতরাং তোমরা আল্লাহর তাকওয়া অবলম্বন কর এবং আমার আনুগত্য কর
১৫১. আর তোমরা সীমালংঘনকারীদের নির্দেশের আনুগত্য করো না;

كَذَّبَتْ ثَمُودُ بِطَغْوَاهُمْ إِذِ انبَأَتْ بِرِسَالِينَ ﴿١٤١﴾

إِذْ قَالَ لَهُمْ أَخُوهُمْ طَيْمٌ يَا لَمَنِ اتَّبَعُونَ ﴿١٤٢﴾

إِنِّي لَكُمْ رَسُولٌ أَمِينٌ ﴿١٤٣﴾

فَاتَّقُوا اللَّهَ وَاطِيعُوا أَمْرِي ﴿١٤٤﴾

وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَى رَبِّ الْعَالَمِينَ ﴿١٤٥﴾

أَتُرَكُونَ فِي نَجْمِهِمْ أَمِينِينَ ﴿١٤٦﴾

فِي جَنَّاتٍ وَعُيُونٍ ﴿١٤٧﴾

وَزُرُوقٍ وَسَخِيلٍ لَّهُمْ هَاهُنَا حُصُونٌ ﴿١٤٨﴾

وَتَنْحِتُونَ مِنَ الْجِبَالِ بُيُوتًا لِغِيْبِينَ ﴿١٤٩﴾

فَاتَّقُوا اللَّهَ وَاطِيعُوا أَمْرِي ﴿١٥٠﴾

وَلَا تُطِيعُوا أَمْرَ الْمُسْرِفِينَ ﴿١٥١﴾

১৫২. 'যারা যমীনে বিপর্যয় সৃষ্টি করে এবং সংশোধন করে না।'

الَّذِينَ يُفْسِدُونَ فِي الْأَرْضِ وَلَا يُصْلِحُونَ ﴿٥٢﴾

১৫৩. তারা বলল, 'তুমি তো জাদুগ্রন্থদের অন্যতম।'

قَالُوا إِنَّمَا أَنْتَ مِنَ الْمَسْحُورِينَ ﴿٥٣﴾

১৫৪. 'তুমি তো আমাদের মতই একজন মানুষ, কাজেই তুমি যদি সত্যবাদী হও তবে একটি নিদর্শন উপস্থিত কর।'

مَا أَنْتَ إِلَّا نَسْفَةٌ مِثْلُنَا ۖ فَأْتِ بآيَةٍ إِنْ كُنْتَ مِنَ الصَّادِقِينَ ﴿٥٤﴾

১৫৫. সালিহ্ বললেন, 'এটা একটা উষ্ট্রী, এর জন্য আছে পানি পানের পালা এবং তোমাদের জন্য আছে নির্ধারিত দিনে পানি পানের পালা;

قَالَ هَذِهِ نَاقَةٌ لَهَا شِرْبٌ وَلَكُمْ شِرْبٌ يَوْمَ مَعْلُومٍ ﴿٥٥﴾

১৫৬. 'আর তোমরা এর কোন অনিষ্ট সাধন করো না; করলে মহাদিনের শাস্তি তোমাদের উপর আপতিত হবে।'

وَلَا تَنْسَوْنَهَا يَوْمَ يَأْخُذُكُمْ عَذَابٌ يَوْمَ عَظِيمٍ ﴿٥٦﴾

১৫৭. অতঃপর তারা সেটাকে হত্যা করল, পরিণামে তারা অনুতপ্ত হল।

فَعَقَرُوهَا فَاصْبَحُوا يَوْمَئِذٍ مُّسْرِئِينَ ﴿٥٧﴾

১৫৮. অতঃপর শাস্তি তাদেরকে গ্রাস করল। এতে অবশ্যই রয়েছে নিদর্শন, কিন্তু তাদের অধিকাংশই মুমিন নয়।

فَأَخَذْنَاهُمُ الْعَذَابَ إِنَّ فِي ذَلِكَ لَآيَةً وَمَا كَانَ أَكْثَرُهُمْ مُّؤْمِنِينَ ﴿٥٨﴾

১৫৯. আর আপনার রব, তিনি তো পরাক্রমশালী, পরম দয়ালু।

وَإِنَّ رَبَّكَ لَهُوَ الْعَزِيزُ الرَّحِيمُ ﴿٥٩﴾

নবম রুকু'

১৬০. লূতের সম্প্রদায় রাসূলগণের প্রতি মিথ্যারোপ করেছিল,

كَذَّبَتْ قَوْمُ لُوطٍ الْمُرْسَلِينَ ﴿٦٠﴾

১৬১. যখন তাদের ভাই লূত তাদেরকে বললেন, 'তোমরা কি তাকওয়া অবলম্বন করবে না?

إِذْ قَالَ لَهُمْ أَخُوهُمْ لُوطُ أَلَا تَتَّقُونَ ﴿٦١﴾

১৬২. 'আমি তো তোমাদের জন্য এক বিশ্বস্ত  
রাসূল ।

إِنِّي لَكُمْ رَسُولٌ أَمِينٌ ﴿١٦٢﴾

১৬৩. 'কাজেই তোমরা আল্লাহর তাকওয়া  
অবলম্বন কর এবং আমার আনুগত্য  
কর ।

فَاتَّقُوا اللَّهَ وَأَطِيعُوا أَمْرًا

১৬৪. 'আর আমি এর জন্য তোমাদের  
কাছে কোন প্রতিদান চাই না, আমার  
প্রতিদান তো সৃষ্টিকুলের রব-এর  
কাছেই আছে ।

وَمَا أَسْأَلُكُمْ عَلَيْهِ مِنْ أَجْرٍ إِنْ أَتَى الرَّبَّ  
الْعَالَمِينَ ﴿١٦٤﴾

১৬৫. 'সৃষ্টিকুলের মধ্যে তো তোমরাই কি  
পুরুষের সাথে উপগত হও?

أَتَأْتُونَ الذُّكْرَانَ مِنَ الْعَالَمِينَ ﴿١٦٥﴾

১৬৬. 'আর তোমাদের রব তোমাদের জন্য  
যে স্ত্রীগণকে সৃষ্টি করেছেন তাদেরকে  
তোমরা বর্জন করে থাক । বরং  
তোমরা তো এক সীমালংঘনকারী  
সম্প্রদায় ।'

وَتَذَرُونَ مَا خَلَقَ لَكُمْ رَبُّكُمْ مِنْ أَزْوَاجِهِمْ لِيُنْفِكُوا  
مِنْكُمْ قَوْمًا عَادُونَ ﴿١٦٦﴾

১৬৭. তারা বলল, 'হে লূত! তুমি যদি নিবৃত্ত  
না হও, তবে অবশ্যই তুমি নির্বাসিত  
হবে ।'

قَالُوا لَئِنْ لَمْ تَنْتَهِ يَلُوطُ لَتَكُونَ مِنَ الْمُخْرَجِينَ ﴿١٦٧﴾

১৬৮. লূত বললেন, 'আমি অবশ্যই  
তোমাদের এ কাজের ঘণাকারী ।

قَالَ إِنِّي لِعِبْدِكُمْ مِنَ الْقَالِينَ ﴿١٦٨﴾

১৬৯. 'হে আমার রব! আমাকে এবং আমার  
পরিবার-পরিজনকে, তারা যা করে,  
তা থেকে রক্ষা করুন ।'

رَبِّ بَنِي وَأَهْلِي مِمَّا يَعْمُرُونَ ﴿١٦٩﴾

১৭০. তারপর আমরা তাকে এবং তার  
পরিবার-পরিজন সকলকে রক্ষা  
করলাম

فَجَبَّيْنَاهُ وَأَهْلَهُ أَجْمَعِينَ ﴿١٧٠﴾

১৭১. এক বৃদ্ধা ছাড়া<sup>(১)</sup>, যে ছিল পিছনে  
অবস্থানকারীদের অন্তর্ভুক্ত।

الْأَعْمُرَاتِ فِي الْغَيْرِينَ ﴿١٧١﴾

১৭২. তারপর আমরা অপর সকলকে ধ্বংস  
করলাম।

ثُمَّ دَمَرْنَا الْأُخْرَىٰ ﴿١٧٢﴾

১৭৩. আর আমরা তাদের উপর শাস্তি  
মূলক বৃষ্টি বর্ষণ করেছিলাম, ভীতি  
প্রদর্শিতদের জন্য এ বৃষ্টি ছিল কত  
নিকৃষ্ট<sup>(২)</sup>!

وَأَمْطَرْنَا عَلَيْهِمْ مَطَرًا قَسِيمًا مَّا تَسْتَدْرِيْنَ ﴿١٧٣﴾

১৭৪. এতে তো অবশ্যই নিদর্শন রয়েছে,  
কিন্তু তাদের অধিকাংশই মুমিন নয়।

إِنَّ فِي ذَٰلِكَ لَآيَةً وَمَا كَانَ أَكْثَرُهُمْ مُّؤْمِنِينَ ﴿١٧٤﴾

১৭৫. আর আপনার রব, তিনি তো  
পরাক্রমশালী, পরম দয়ালু।

وَإِنَّ رَبَّكَ لَهُوَ الْعَزِيزُ الرَّحِيمُ ﴿١٧٥﴾

### দশম রুকু'

১৭৬. আইকাবাসীরা<sup>(৩)</sup> রাসূলগণের প্রতি

كَذَّابَ أَصْحَابِ لَيْكَةِ الْمُرْسَلِينَ ﴿١٧٦﴾

(১) এখানে عَجُوز বলে লুত 'আলাইহিস্ সালাম-এর স্ত্রীকে বোঝানো হয়েছে। সে কওমে লুতের এই কুকর্মে সম্মত ছিল এবং কাফের ছিল। সূরা আত-তাহরীমে নূহ ও লুত আলাইহিস্ সালামের স্ত্রীদের সম্পর্কে বলা হয়েছে: "এ মহিলা দু'টি আমার দু'জন সৎ বান্দার গৃহে ছিল। কিন্তু তারা তাঁদের সাথে বিশ্বাসঘাতকতা করে" [১০] অর্থাৎ তারা উভয়ই ছিল ঈমান শূন্য এবং নিজেদের সৎ স্বামীদের সাথে সহযোগিতা করার পরিবর্তে তারা তাদের কাফের জাতির সহযোগী হয়। এজন্য আল্লাহ যখন লুতের জাতির উপর আযাব নাযিল করার ফায়সালা করলেন এবং লুতকে নিজের পরিবার পরিজনদের নিয়ে এ এলাকা ত্যাগ করার হুকুম দিলেন তখন সাথে সাথে নিজের স্ত্রীকে সংগে না নেবার হুকুমও দিলেন: "কাজেই কিছু রাত থাকতেই আপনি নিজের পরিবার-পরিজনদেরকে সাথে নিয়ে বের হয়ে যান এবং আপনাদের কেউ যেন পেছন ফিরে না তাকায়। কিন্তু আপনার স্ত্রীকে সংগে করে নিয়ে যাবেন না। তাদের ভাগ্যে যা ঘটবে তারও তাই ঘটবে।" [সূরা হূদ: ৮১]

(২) কোন কোন মুফাসসিরের মতে, এ বৃষ্টি বলতে এখানে পানির বৃষ্টি বুঝানো হয়নি, বরং পাথর বৃষ্টির কথা বুঝানো হয়েছে। [দেখুন-তবারী, মুয়াস্‌সার]

(৩) ইউসুফ 'আলাইহিস্ সালাম-এর পরে আল্লাহ তা'আলা শু'আইব 'আলাইহিস্ সালাম-কে পাঠান। তার জাতি ছিল মাদ্‌ইয়ান জাতি। [সূরা আল-আ'রাফঃ ৮৫] মাদ্‌ইয়ান

মিথ্যারোপ করেছিল,

১৭৭. যখন শু'আইব তাদেরকে বলেছিলেন,  
'তোমরা কি তাকওয়া অবলম্বন করবে  
না?

إِذْ قَالَ لَهُمْ شُعَيْبٌ أَلَا تَتَّقُونَ ۝

১৭৮. আমি তো তোমাদের জন্য এক বিশ্বস্ত  
রাসূল ।

إِنِّي لَكُمْ رَسُولٌ أَمِينٌ ۝

১৭৯. 'কাজেই তোমরা আল্লাহর তাকওয়া  
অবলম্বন কর এবং আমার আনুগত্য  
কর ।

فَاتَّقُوا اللَّهَ وَأَطِيعُوا عَنِّي ۝

১৮০. 'আর আমি তোমাদের কাছে এর  
জন্য কোন প্রতিদান চাই না । আমার  
পুরস্কার তো সৃষ্টিকুলের রব-এর  
কাছেই আছে ।

وَمَا أَسْأَلُكُمْ عَلَيْهِ مِنْ أَجْرٍ إِنْ أَجْرِيَ إِلَّا عَلَى رَبِّ  
الْعَالَمِينَ ۝

১৮১. 'মাপে পূর্ণ মাত্রায় দেবে; আর যারা  
মাপে কম দেয় তোমরা তাদের  
অন্তর্ভুক্ত হয়ো না

أَوْفُوا الْكَيْلَ وَلَا تَكُونُوا مِنَ الْمُخْسِرِينَ ۝

১৮২. 'এবং ওজন করবে সঠিক  
দাঁড়িপাল্লায় ।

وَزِنُوا بِالْقِسْطِ أَسْبَغِ الْمِيزَانَ ۝

১৮৩. 'আর লোকদেরকে তাদের প্রাপ্য বস্তু  
কম দিও না এবং পৃথিবীতে বিপর্যয়  
সৃষ্টি করে বেড়িও না ।

وَلَا تَبْخَسُوا النَّاسَ أَشْيَاءَهُمْ وَلَا تَعْتُوا فِي الْأَرْضِ  
مُفْسِدِينَ ۝

১৮৪. আর তাঁর তাকওয়া অবলম্বন কর যিনি  
তোমাদেরকে ও তোমাদের আগে

وَاتَّقُوا الَّذِي خَلَقَكُمْ وَالْحَيَلَةَ الْأُولَىٰ ۝

ছিল শু'আইব 'আলাইহিস্ সালাম-এর জাতির এক পূর্বপুরুষের নাম । অপরদিকে  
কখনো কখনো পবিত্র কুরআনে শুয়াইব 'আলাইহিস্ সালাম-এর কওম সম্পর্কে বলা  
হয়েছে, 'আসহাবুল আইকাহ্' বা গাছওয়ালাগণ । [সূরা আশ-শুয়ারাঃ ১৭৬] অধিকাংশ  
মুফাস্সিরদের মতে আইকাবাসীদ্বারা মাদইয়ান জাতিকে বুঝানো হয়েছে । [আদওয়া  
আল-বায়ান]

যারা গত হয়েছে তাদেরকে সৃষ্টি করেছেন।'

১৮৫. তারা বলল, 'তুমি তো জাদুগ্রন্থদের অন্তর্ভুক্ত;

قَالُوا إِنَّمَا أَنْتَ مِنَ الْمَسْحُورِينَ ﴿١٨٥﴾

১৮৬. 'আর তুমি তো আমাদের মতই একজন মানুষ, আমরা তো তোমাকে মিথ্যাবাদীদের অন্তর্ভুক্ত মনে করি।

وَمَا أَنْتَ إِلَّا بَشَرٌ مِّثْلُنَا وَإِنْ نُنظِّقُكَ لَكِنِ الْكَذِبِيِّينَ ﴿١٨٦﴾

১৮৭. 'সুতরাং তুমি যদি সত্যবাদী হও তবে আকাশের এক খণ্ড আমাদের উপর ফেলে দাও।'

فَأَسْقِطْ عَلَيْنَا كِسْفًا مِّنَ السَّمَاءِ إِنْ كُنْتَ مِنَ الصَّادِقِينَ ﴿١٨٧﴾

১৮৮. তিনি বললেন, 'আমার রব ভাল করে জানেন তোমরা যা কর।'

قَالَ رَبِّي عَلِيمٌ بِمَا تَعْمَلُونَ ﴿١٨٨﴾

১৮৯. সুতরাং তারা তার প্রতি মিথ্যারোপ করল, ফলে তাদেরকে মেঘাচ্ছন্ন দিনের শাস্তি গ্রাস করল<sup>(১)</sup>। এ তো ছিল এক ভীষণ দিনের শাস্তি!

فَكَذَّبُوهُ فَأَخَذَهُمْ عَذَابٌ يَوْمَ الظُّلَّةِ إِنَّهُ كَانَ عَذَابٌ يَوْمٍ عَظِيمٍ ﴿١٨٩﴾

১৯০. এতে তো অবশ্যই রয়েছে নিদর্শন<sup>(২)</sup>,

إِنَّ فِي ذَلِكَ لَآيَةً وَمَا كَانَ أَكْثَرُهُمْ مُؤْمِنِينَ ﴿١٩٠﴾

(১) এই আয়াতের ঘটনা এই যে, আল্লাহ তা'আলা এই সম্প্রদায়ের উপর তীব্র গরম চাপিয়ে দেন। ফলে তারা গৃহের ভেতরে ও বাইরে কোথাও শান্তি পেত না। এরপর তিনি তাদের নিকটবর্তী এক মাঠের উপর গাঢ় কালো মেঘ প্রেরণ করেন। এই মেঘের নীচে সুশীতল বায়ু ছিল। গরমে অস্থির সম্প্রদায় দৌড়ে দৌড়ে এই মেঘের নীচে জমায়েত হয়ে গেল, তখন তাদের উপর আল্লাহর সুনির্ধারিত শাস্তি এসে গেল। আর তাতে তারা সবাই ধ্বংস হয়ে গেল। [মুয়াসসার]

(২) শু'আইব 'আলাইহিস্ সালাম-এর জাতির ধ্বংসের কথা পবিত্র কুরআনে বিভিন্নভাবে এসেছে। এর কারণ হল, শু'আইব 'আলাইহিস্ সালাম-এর জাতির অপরাধ ছিল বিভিন্ন প্রকার। প্রত্যেক প্রকার অপরাধের জন্য তাদের শাস্তি হয়েছিল। সুতরাং আল্লাহ তা'আলা যখন তাদের কোন অপরাধের কথা উল্লেখ করেছেন, তখন সেখানে সে অপরাধ মোতাবেক শাস্তির কথাও উল্লেখ করেছেন। যেমন সূরা আশ-শু'আরায় এসেছে, তারা বলেছিলঃ তুমি যদি সত্যবাদী হও তবে আমাদের জন্য আকাশের টুকরা ফেলে দাও। এর জবাবে আল্লাহ তা'আলা তাদের শাস্তির কথা উল্লেখ করে



আর তাদের অধিকাংশই মুমিন নয় ।

১৯১. আর আপনার রব, তিনি তো পরাক্রমশালী, পরম দয়ালু ।

وَلَا رَبَّكَ لَهُوَ الْعَزِيزُ الرَّحِيمُ ﴿١٩١﴾

### এগারতম রুকু'

১৯২. আর নিশ্চয় এটা (আল-কুরআন) সৃষ্টিকুলের রব হতে নাযিলকৃত ।

وَأَنذَرْتَنِي لَوْلَا رَبِّي لَذُلتُ الْمَوتِينَ ﴿١٩٢﴾

১৯৩. বিশ্বস্ত রুহ (জিব্রাঈল) তা নিয়ে নাযিল হয়েছেন ।

نَزَّلَ بِهِ الرُّوْحَ الْمَعِينُ ﴿١٩٣﴾

১৯৪. আপনার হৃদয়ে, যাতে আপনি সতর্ককারীদের অন্তর্ভুক্ত হতে পারেন ।

عَلَى قَلْبِكَ لِتَكُونَ مِنَ الْمُنذِرِينَ ﴿١٩٤﴾

১৯৫. সুস্পষ্ট আরবী ভাষায়<sup>(১)</sup> ।

بِلِسَانٍ عَرَبِيٍّ مُّبِينٍ ﴿١٩٥﴾

১৯৬. আর পূর্ববর্তী কিতাবসমূহে অবশ্যই এর উল্লেখ আছে ।

وَأَنذَرْتُ لَقَدْ زُرْتُ الْأَوَّلِينَ ﴿١٩٦﴾

১৯৭. বনী ইস্রাঈলের আলেমগণ এ সম্পর্কে জানে---এটা কি তাদের জন্য

أَوَلَمْ يَكُنْ لَهُمْ آيَةٌ أَن تَعْلَمُوا بَنِي إِسْرَائِيلَ ﴿١٩٧﴾

বলেনঃ তাদেরকে ছায়ার দিনে শাস্তি পেয়ে বসল । [সূরা আশ-শু'আরাঃ ১৮৯] যা তাদের দাবীর সাথে সামঞ্জস্যপূর্ণ । সূরা আল-আ'রাফের ৮৮ নং আয়াতে তারা শু'আইব 'আলাইহিস্ সালাম ও তার সাথীদেরকে এমন ভয় দেখাল যে, তারা কেঁপে উঠেছিল । তারা বলেছিলঃ “হে শু'আইব! আমরা তোমাকে এবং যারা তোমার উপর ঈমান এনেছে তাদেরকে আমাদের জনপদ থেকে বের করে দেব অথবা তোমরা আমাদের দলে ফিরে আসবে ।” তাদের এ কথার জবাবে আল্লাহ তা'আলা তাদের শাস্তির কথা উল্লেখ করে বলেছেনঃ “তাদেরকে পেয়ে বসল কম্পন ।” [সূরা আল-আ'রাফঃ ৯১] কিন্তু সূরা হূদের ৮৭ নং আয়াতে তারা শু'আইব 'আলাইহিস্ সালাম-এর সালাত নিয়ে ঠাট্টা করে তাকে অপমান করেছিল । সে ঠাট্টার জবাবে আল্লাহ তা'আলা তাদের শাস্তি হিসাবে বলেছেনঃ “তাদেরকে পেয়ে বসল চিৎকার ।” [সূরা হূদঃ ৯৪]

- (১) আয়াত থেকে জানা গেল যে, আরবী ভাষায় লিখিত কুরআনই কুরআন । অন্য যে কোন ভাষায় কুরআনের কোন বিষয়বস্তুর অনুবাদকে কুরআন বলা হবে না । দেখুন- [ইবন কাসীর]

নিদর্শন নয়<sup>(১)</sup>?

১৯৮. আর আমরা যদি এটা কোন অনারবের উপর নাযিল করতাম

وَلَوْ نَزَّلْنَاهُ عَلَىٰ بَعْضِ الْأَعْجَمِينَ

১৯৯. এবং এটা সে তাদের কাছে পাঠ করত, তবে তারা তাতে ঈমান আনত না;

فَقَرَأَهُ عَلَيْهِمْ مَا كَانُوا بِهِ مُؤْمِنِينَ

২০০. এভাবে আমরা সেটা অপরাধীদের অন্তরে সঞ্চার করেছি<sup>(২)</sup>।

كَذَلِكَ سَلَكْنَاهُ فِي قُلُوبِ الْمُجْرِمِينَ

২০১. তারা এতে ঈমান আনবে না যতক্ষণ না তারা যন্ত্রণাদায়ক শাস্তি দেখতে পাবে;

لِيُؤْمِنُوا بِهِ حَتَّىٰ يُرَوِّعَهُآبِ الْآلَمِينَ

২০২. সুতরাং তা তাদের কাছে এসে পড়বে

فَيَأْتِيَهُمْ بَغْتَةً وَهُمْ لَا يَتَعَوَّدُونَ

(১) অর্থাৎ বনী ইসরাঈলের আলেমরা একথা জানে যে, কুরআন মজীদে যে শিক্ষা দেয়া হয়েছে তা ঠিক সেই একই শিক্ষা যা পূর্ববর্তী আসমানী কিতাবগুলোতে দেয়া হয়েছিল। মক্কাবাসীরা কিতাবের জ্ঞান না রাখলেও আশেপাশের এলাকায় বনী ইসরাঈলের বিপুল সংখ্যক আলেম ও বিদ্বান রয়েছে। তারা জানে, মুহাম্মাদ ইবনে আবদুল্লাহ আজ প্রথমবার তাদের সামনে কোন অভিনব ও অদ্ভুত “কথা” রাখেননি বরং হাজার হাজার বছর থেকে আল্লাহর নবীগণ এই একই কথা বারবার এনেছেন। এ নাযিলকৃত বিষয়ও সেই একই রব্বুল আলামীনের পক্ষ থেকে এসেছে যিনি পূর্ববর্তী কিতাবগুলো নাযিল করেছিলেন, এ কথাটি কি এ বিষয়ে নিশ্চিততা অর্জন করার জন্য যথেষ্ট নয়? [দেখুন-ফাতহুল কাদীর]

(২) এ আয়াতের কাছাকাছি আয়াত সূরা আল-হিজরের ১২ নং আয়াতেও এসেছে। সেখানে এর অর্থ বর্ণনা করা হয়েছে। মূলত: অনেকেই এর অর্থ এভাবে বর্ণনা করেছেনঃ “আমরা এভাবে মিথ্যা প্রতিপন্ন করা, কুফরী করা, অস্বীকার করা এবং সীমালঙ্ঘন করাকে অপরাধীদের অন্তরে প্রবেশ করিয়ে দেই, তারা হক্ক এর প্রতি ঈমান আনবে না।” আরবী ভাষায় (سلك) শব্দের অর্থ হচ্ছে কোন জিনিসকে অন্য জিনিসের মধ্যে ঢুকিয়ে দেয়া, অনুপ্রবেশ করানো, চালিয়ে দেয়া বা গলিয়ে দেয়া। যেমন সুইয়ের ছিদ্রে সূতো গলিয়ে দেয়া হয়। কাজেই এ আয়াতের অর্থ এটাও হতে পারে যে, অপরাধীদের অন্তরে এ কুরআন বারগদের মত আঘাত করে এবং তা শুনে তাদের মনে এমন আগুন জ্বলে ওঠে যেন মনে হয় একটি গরম শলাকা তাদের বুকে বিদ্ধ হয়ে এফোঁড় ওফোঁড় করে দিয়েছে। সুতরাং তারা এটা সহ্য করতে পারবে না, এর উপর ঈমানও আনবে না। [দেখুন-ফাতহুল কাদীর]

হঠাৎ করে; অথচ তারা কিছুই উপলব্ধি করতে পারবে না।

২০৩. তখন তারা বলবে, 'আমাদেরকে কি অবকাশ দেয়া হবে?'

فَيُقَالُوا هَلْ عَنَّا مُنْتَضِرُونَ ﴿٢٠٣﴾

২০৪. তারা কি তবে আমাদের শাস্তি ত্বরান্বিত করতে চায়?

أَفِعِدَّائِنَا يَسْتَعْجِلُونَ ﴿٢٠٤﴾

২০৫. আপনি ভেবে দেখুন, যদি আমরা তাদেরকে দীর্ঘকাল ভোগ-বিলাস করতে দেই<sup>(১)</sup>,

أَفَرَأَيْتَ إِنْ مَتَّعْنَاهُمْ سِنِينَ ﴿٢٠٥﴾

২০৬. তারপর তাদেরকে যে বিষয়ে সতর্ক করা হয়েছিল তা তাদের কাছে এসে পড়ে,

ثُمَّ جَاءَهُمْ مَا كَانُوا يُوعَدُونَ ﴿٢٠٦﴾

২০৭. তখন যা তাদের ভোগ-বিলাসের উপকরণ হিসেবে দেয়া হয়েছিল তা তাদের কি উপকারে আসবে?

مَا نَعْنِي عَنْهُمْ كَانُوا يُبْتِغُونَ ﴿٢٠٧﴾

২০৮. আর আমরা এমন কোন জনপদ ধ্বংস করিনি যার জন্য সতর্ককারী ছিল না<sup>(২)</sup>;

وَمَا أَهْلَكْنَا مِنْ قَوْمٍ إِلَّا هُمْ مُنذَرُونَ ﴿٢٠٨﴾

(১) এ আয়াতে ইঙ্গিত আছে যে, দুনিয়াতে দীর্ঘ জীবন লাভ করাও আল্লাহ তা'আলার একটি নেয়ামত। কিন্তু যারা এই নেয়ামতের না-শোকরী করে, বিশ্বাস স্থাপন করে না, তাদের দীর্ঘ জীবনের নিরাপত্তা ও অবকাশ কোন কাজে আসবে না। আর এজন্যই রাসূল সাল্লাল্লাহু 'আলাইহি ওয়া সাল্লাম-এর এক হাদীসে এসেছে, তিনি বলেছেনঃ কিয়ামতের দিন কাফেরকে নিয়ে এসে জাহান্নামে এক প্রকার চুবিয়ে আনার পর তাকে জিজ্ঞাসা করা হবে, তুমি কি তোমার জীবনে কখনো ভাল কিছু পেয়েছ? সে বলবেঃ হে প্রভু! আপনার শপথ, কখনো পাইনি। অপরদিকে দুনিয়ার সবচেয়ে দুর্ভাগা ব্যক্তিকে নিয়ে জান্নাতে প্রবেশ করিয়ে তাকে জিজ্ঞাসা করা হবে তুমি কি দুনিয়াতে কখনো কষ্ট পেয়েছ? সে বলবে, আপনার শপথ, হে আমার প্রভু! কখনো নয়। [মুসলিমঃ ২৮০৭]

(২) অর্থাৎ আমি কোন জনপদ ধ্বংস করে দেয়ার পূর্বে সতর্ককারী ছিল, তাদের স্মরণ করিয়ে দেয়ার জন্য। আমি যালেম নই। আল্লাহ তা'আলা বিনা অপরাধে কাউকে শাস্তি দেন না।

২০৯. (তাদের জন্য) স্মরণ হিসেবে, আর  
আমরা যুলুমকারী নই,

ذِكْرِي وَمَا كُنَّا ظَالِمِينَ ﴿٢٠٩﴾

২১০. আর শয়তানরা এটাসহ নাযিল  
হয়নি।

وَمَا نَزَّلَتْ بِهِ الشَّيَاطِينُ ﴿٢١٠﴾

২১১. আর তারা এ কাজের যোগ্যও নয়  
এবং তারা এর সামর্থ্যও রাখে না।

وَمَا يَنْبَغِي لَهُمْ وَمَا يَسْتَطِيعُونَ ﴿٢١١﴾

২১২. তাদেরকে তো শোনার সুযোগ হতে  
দূরে রাখা হয়েছে।

أَنَّهُمْ عَنِ السَّمْعِ لَمَعَرُونَ ﴿٢١٢﴾

২১৩. অতএব আপনি অন্য কোন ইলাহকে  
আল্লাহর সাথে ডাকবেন না, ডাকলে  
আপনি শাস্তিপ্ৰাপ্তদের অন্তর্ভুক্ত  
হবেন।

فَلَا تَدْعُ مَعَ اللَّهِ إِلَهًا آخَرَ فَتَكُونَ مِنَ  
الْمُعَذِّبِينَ ﴿٢١٣﴾

২১৪. আর আপনার নিকটস্থ জ্ঞাতি-গোষ্ঠীকে  
সতর্ক করুন।

وَأَذِّنْ لِلْقُرْبَىٰ ﴿٢١٤﴾

২১৫. এবং যারা আপনার অনুসরণ করে  
সেসব মুমিনদের প্রতি আপনার  
পক্ষপূট অবনত করে দিন।

وَاحْفَظْ جَنَاحَكَ لِمَنِ اتَّبَعَكَ مِنَ الْمُؤْمِنِينَ ﴿٢١٥﴾

২১৬. অতঃপর তারা যদি আপনার অবাধ্য হয়  
তাহলে আপনি বলুন, 'তোমরা যা কর  
নিশ্চয় আমি তা থেকে দায়মুক্ত।'

فَإِنْ عَصَوْكَ فَقُلْ إِنِّي بَرِيءٌ مِمَّا تَعْمَلُونَ ﴿٢١٦﴾

২১৭. আর আপনি নির্ভর করুন পরাক্রমশালী,  
পরম দয়ালু আল্লাহর উপর,

وَكُذِّبْ عَلَىٰ الْعَرْشِ الرَّحِيمِ ﴿٢١٧﴾

২১৮. যিনি আপনাকে দেখেন যখন আপনি  
দাঁড়ান<sup>(১)</sup>,

الَّذِي يَرِيكَ حِينَ تَقُومُ ﴿٢١٨﴾

সে জন্য তিনি যুগে যুগে সতর্ককারী নবী-রাসূল পাঠিয়েছেন। [দেখুন-মুয়াস্সার] অনুক্রম  
আয়াত আরো দেখুন- সূরা আল-ইসরাঃ ১৫, সূরা আল-কাসাসঃ ৫৯]

(১) এ আয়াতের তাফসীরে কয়েকটি বর্ণনা এসেছে-

(এক) আপনি একমাত্র আল্লাহর উপরই ভরসা করুন যিনি আপনার হেফাজত

২১৯. এবং সিজ্দাকারীদের মাঝে আপনার  
উঠাবসা<sup>(১)</sup>।

وَقَفَّيْكَ فِي السُّجُودِ ﴿٢١٩﴾

২২০. তিনি তো সর্বশ্রোতা, সর্বজ্ঞ।

إِنَّهُ هُوَ السَّمِيعُ الْعَلِيمُ ﴿٢٢٠﴾

২২১. তোমাদেরকে কি আমি জানাব কার  
কাছে শয়তানরা নাযিল হয়?

هَلْ أُنَبِّئُكُمْ عَلَىٰ مَنْ تَنَزَّلُ الشَّيَاطِينُ ﴿٢٢١﴾

২২২. তারা তো নাযিল হয় প্রত্যেকটি ঘোর  
মিথ্যাবাদী ও পাপীর কাছে।

تَنَزَّلُ عَلَىٰ كُلِّ أَفَّاكٍ أَثِيمٍ ﴿٢٢٢﴾

২২৩. তারা কান পেতে থাকে এবং তাদের  
অধিকাংশই মিথ্যাবাদী<sup>(২)</sup>।

يُنْقُونَ السَّمْعَ وَأَكْثُرُهُمْ كَاذِبُونَ ﴿٢٢٣﴾

করবেন, আপনার সাহায্য-সহযোগিতা করবেন। যেমনটি অন্য আয়াতে বলা হয়েছে- “আপনি আপনার প্রভুর নির্দেশের উপর ধৈর্য ধারণ করুন, কারণ আপনি আমাদের হেফাজতে রয়েছেন। আমাদের চক্ষুর সামনেই আছেন। [সূরা আত-তুরঃ ৪৮]

(দুই) ইবনে আব্বাস বলেনঃ যিনি আপনাকে দেখেন যখন আপনি সালাতে দাঁড়ান।

(তিন) ইকরামা বলেনঃ যিনি তার কিয়াম, রুকু', সিজ্দা ও বসা দেখেন।

(চার) কাতাদাহ্ বলেনঃ সালাতে দেখেন, যখন একা সালাত আদায় করেন এবং যখন জামা'আতে অন্যদের সাথে সালাত আদায় করেন। এটা ইকরামা, হাসান বসরী, আতা প্রমুখেরও মত। [দেখুন-ইবন কাসীর, কুরতুবী, বাগতী]

(১) এর কয়েকটি অর্থ হতে পারে। এক, আপনি যখন জামায়াতের সাথে নামায পড়ার সময় নিজের মুকতাদীদের সাথে উঠা-বসা ও রুকু'-সিজ্দা করেন তখন আল্লাহ আপনাকে দেখতে থাকেন। দুই, রাতের বেলা উঠে যখন নিজের সাথীরা (যাদের বৈশিষ্ট্যসূচক গুণ হিসেবে “সিজ্দাকারী” শব্দ ব্যবহৃত হয়েছে) তাদের আখেরাত গড়ার জন্য কেমন তৎপরতা চালিয়ে যাচ্ছে তা দেখার উদ্দেশ্যে ঘোরাফেরা করতে থাকেন তখন আপনি আল্লাহর দৃষ্টির আড়ালে থাকেন না। তিন, আপনি নিজের সিজ্দাকারী সাথীদেরকে সংগে নিয়ে আল্লাহর বান্দাদের সংশোধন করার জন্য যেসব প্রচেষ্টা ও সংগ্রাম চালিয়ে যাচ্ছেন আল্লাহ তা অবগত আছেন। চার, সিজ্দাকারী লোকদের দলে আপনার যাবতীয় তৎপরতা আল্লাহর নজরে আছে। তিনি জানেন আপনি কিভাবে তাদের প্রশিক্ষণ দিচ্ছেন, কিভাবে ও কেমন পর্যায়ে তাদের আত্মশুদ্ধি করছেন এবং কিভাবে ভেজাল সোনাকে খাঁটি সোনায় পরিণত করেছেন। [দেখুন-তবারী, বাগতী]

(২) এর দু'টি অর্থ হতে পারে। একটি হচ্ছে, শয়তানরা কিছু গুনে নিয়ে নিজেদের

২২৪. আর কবিগণ, তাদের অনুসরণ তো বিভ্রান্তরাই করে ।

وَالشُّعْرَاءُ يَتَّبِعُهُمُ الْغَاوُونَ ﴿٢٢٤﴾

২২৫. আপনি কি দেখেন না যে, ওরা উদ্ভ্রান্ত হয়ে প্রত্যেক উপত্যকায় ঘুরে বেড়ায়?

أَلَمْ تَرَ أَنَّهُمْ فِي كُلِّ وَادٍ يَهِيمُونَ ﴿٢٢٥﴾

২২৬. এবং তারা তো বলে এমন কথা, যা তারা করে না ।

وَأَنَّهُمْ يَقُولُونَ مَا لَا يَفْعَلُونَ ﴿٢٢٦﴾

২২৭. কিন্তু তারা ছাড়া যারা ঈমান এনেছে, সৎকাজ করেছে, আল্লাহকে বেশী পরিমাণ স্মরণ করেছে এবং অত্যাচারিত হওয়ার পর প্রতিশোধ গ্রহণ করেছে । আর যালিমরা শীঘ্রই জানবে কোন ধরনের গন্তব্যস্থলে তারা ফিরে যাবে ।

إِلَّا الَّذِينَ آمَنُوا وَعَمِلُوا الصَّالِحَاتِ وَذَكَرُوا اللَّهَ كَثِيرًا وَانْتَصَرُوا مِن بَعْدِ مَا ظَلَمُوا وَسَيَعْلَمُ الَّذِينَ ظَلَمُوا أَيَّ مُنْقَلَبٍ يَنْقَلِبُونَ ﴿٢٢٧﴾

চেলাদেরকে জানিয়ে দেয় এবং তাতে সামান্যতম সত্যের সাথে বিপুল পরিমাণ মিথ্যার মিশ্রণ ঘটায় । দ্বিতীয় অর্থ হচ্ছে, মিথ্যুক-প্রতারক গণকরা শয়তানের কাছ থেকে কিছু শুনে নেয় এবং তারপর তার সাথে নিজের পক্ষ থেকে অনেকটা মিথ্যা মিশিয়ে মানুষের কানে ফুঁকে দিতে থাকে । [দেখুন-ফাতহুল কাদীর] একটি হাদীসে এর আলোচনা এসেছে । আয়েশা রাদিয়াল্লাহু 'আনহা বলেনঃ কোন কোন লোক নবী সাল্লাল্লাহু আলাইহি ওয়া সাল্লামকে গণকদের ব্যাপারে জিজ্ঞেস করে । জবাবে তিনি বলেন, ওসব কিছুই নয় । তারা বলে, হে আল্লাহর রাসূল ! কখনো কখনো তারা তো আবার ঠিক সত্যি কথাই বলে দেয় । রাসূলুল্লাহ সাল্লাল্লাহু আলাইহি ওয়াসাল্লাম জবাবে বলেন, সত্যি কথাটা কখনো কখনো জিনেরা নিয়ে আসে এবং তাদের বন্ধুদের কানে ফুঁকে দেয় তারপর তারা তার সাথে শত মিথ্যার মিশ্রণ ঘটিয়ে একটি কাহিনী তৈরী করে । [বুখারী: ৩২১০]